

粉雲盆
詞

李舟



書 號	
登記號	五八四三七
函	
冊	一

粉

雲

盒

詞

筆真之橋六公三故



故三公六橋之肖像

如見故人

廣瀨壽助

序



六橋都尉滿洲世家子善騎射工詞翰翩翩佳公子也以襲三品以上爵格于例不得衣馮翼之衣操三寸不律爭風簷一日之長乃屏棄舉子業而專力于詩詞其所爲詩余旣爲之序矣而今又得讀其詞乃歎詩旣如其人詞更如其人也夫溫柔敦厚爲詩教而詞則尤以溫柔爲主韓昌黎以文爲詩非詩之至也蘇東坡以詩爲詞非詞之至也六橋性情冲逸舉止嫺雅一望而知秦七黃九門徑中人其於詩宜其於詞更宜婉媚深窈讀之意消殆所謂辭情兼勝者乎余老矣春蠶之絲抽而欲盡近所爲詩往往率易無味於詩如此於詞可知讀六橋詩爲之三歎其詩學與年俱進其詞學亦必與年俱進詞中有云調衍青蓮聲偷白石說甚夢牕叟殆其目道語乎

光緒癸巳三月曲園俞樾書於右台仙館

如烟繇繇如月娟娟高秀得之六朝詩幽奇得之西泠山水而性眞所流不
揜其個儻不羣之勝概見鱗知龍因羽求鳳六橋都尉衰奇虛受媿古求是
孟晉不已畏友益友衰遲何幸得見成容若承子久替人邪

光緒十有九年春王正月譚獻

往聞人言杭州盛時錢唐江干江山船雁行排列每日暮船上桐巖妹開窓
理鏡髮香如雲六橋鮮衣怒馬馳驟往來桐巖妹爭致殷勤冀得一盼六橋
被酒賦側艷詞越宿傳遍今老矣江山金粉非復疇曩讀粉雲奩詞猶想見
窮塞主三五少年時興不淺也若其詞旨之美合屯田稼軒爲一手飲水再
世世無間言如皋冒廣生識

六橋都護今之納蘭容若也天生詞人早爲曲園樊山諸老所嘆賞今老矣
綺懷猶未識淨可於金尊檀板間想見風流聊園主人傳示大集意存謙抑
屬爲選訂窃謂天下事莫貴於本色情真景真能事畢矣談宗派襲皮毛脩
飾邊幅皆非作家所尙尊作思力鑱刻狀難狀之情旣以本色重不必復加
別擇正宜全出餉世行見有井水處皆唱屯田也夏孫桐拜讀謹識

題詞

綠意

楊葆光古醜

篇篇珠玉。恰夜闌飲散紅影搖燭。訴盡羈愁寫盡牢騷。誰解成生心曲。茅堂
那有牽蘿處。羅袖倚一叢寒竹。算世間且夕偷安鑄錯。數誰更僕。予亦頻
年扼塞時宜偏不合。慙態堪掬。只有情天存想。遙深願與東坡同局。衰容轉
歎。矚矚。願便嘯詠。慙孤獨。但祝君事事從心。集與會昌相續。

百字令效陳君衡平韻體

樊增祥樊山

兜鍪手戟又風流，儻雅惟有孫郎。生帶西冷煙水氣，全收山色湖光。鳳肖吟聲，鸚傳黛語，雅韻叫絲簧。色香和味太真，紅荔初嘗。剛似百末揉花，百花釀酒，五色繡鴛鴦。周昉仇英，金碧畫輸君慣貌。眞娘蟻綫穿珠，蟾肪膠玉，才調海難量。憶雲蓮廩月復堂，合教鼎足錢唐。

綺羅香

何振岱梅生

笛裏懷人，棋邊換世，誰著銷魂新句。淅水餘音，爭說綠梅都護。憶昔日細柳，潮墻寫芳序。慣攜樽俎，問如今波底斜陽也。應紅濕段橋路。東風綠鬢幾許，還把傷春酒釀。臨軒重賦，大漠盤鵬難損。彎弧心緒，恁香篝薰徹。弓衣倚豔歌，暗傳絃語。更摩挲雙鳳雲映杏花深院宇。

詩

榮 勳竹農

生與憶雲同一日

君與項蓮生皆五月二十二日生

命如飲水定千秋

成容若生於順治乙未君生於同治辛未

鳳窠給

事皆紅袖麟閣標名正黑頭落日寒煙窮塞主珠鏡綵樹富平侯不知醉倚
梅花夢騎鹿聽簫似舊不

粉雲盒詞

沈瑞麟



粉雲盒詞卷一

蒙古三

多六

清平樂

海棠

嬌無如汝金屋寧能貯化箇雙飛蝴蝶去不怕梅花不許
春陰乞護紅芳
夜深更照紅妝願與美人長好銀州六字分將

樊山師曰
冰雪聰明

昭君怨

曉遊

新霽落花春曙驕馬一鞭何處縱轡踏芳洲繞紅樓
簾裏有人如玉簾外

有人慘綠相見正無因捲簾嘖

復堂師曰三河
年少風流自賞

采桑子

春閨

海棠花下牽衣立
花也紅妝人也紅
妝一樣紅妝卻有香
湘簾月底吹鐙
坐月也無雙
人也無雙
一樣無雙
卻有郎

點絳脣

新月

輕問姮娥畫眉
你好兒家好
一般煩惱緊向青蛾繞
花影吹笙總是相思
調雙鬢
笑炷香頻禱
替乞團圓
早

風中柳

言志

倘作去聲金吾宴麗華如玉並遨遊山重水複不騎蒼鹿便騎黃犢折浮榮

換些清福碧溪丹籠佳處更留茅屋這邊蒔菊那邊栽竹把奇書嚼花同

讀

洪未丹曰
宋人的派

鵲橋仙

皋亭看桃花購土宜而返

前身明月後身金粟仔細思量都誤居然今日此門中卻是箇春風崔護

絮飛飛也花飛飛也願把香泥爭作去聲儻逢纖手水調和好與那美人同塑

紅情

自題蘇隄試馬圖

一鞭得得向柳絲鄉去杏花邨入翠繞紅圍團住吟魂怎生出多謝聯翩鳳

子緊隨著玉韉金勒導我訪有箇當鑪還在跨虹北
 須惜好春色勝騎鹿
 聽簫坐牛吹笛里人都識斜照歸來帽微側驢背清涼居士應暗羨者般標
 格莫更問麟閣上畫形何日

樊山師曰
身入畫景

綠意

月夜

非珠不玉甚彩光一片流照如燭啓了窻櫺捲上簾櫳尋到畫闌干曲方暉
 恰可中庭印飛白寫幾竿修竹更拂牆花影無聲疑是凌波芳躅 鉤起年
 時往事水邊悄看著纖手親掬同樣清宵依約黃昏冷煞琴臺簫局凝眸半
 暉遙相憶怕此際渠儂幽獨等恁時雙拜瓊樓多謝綺緣重續

譚復堂師
曰清綺

行香子

錦帕題詩黃絹填詞付清歌豪竹哀絲每逢佳日便舉金卮月爲賓花作妾
柳如姬莫笑吾癡此樂誰知覓紅休且待來時那些榮貴獲也何奇等浮
雲猶大夢有危機

憶江南

西湖好春色最繁華紫陌玉鞭公子馬紅樓珠箔美人車何處不看花

蝶戀花

隔著薔薇花一院忽地相逢鸚母將人喚驚得匆匆身輒轉秋千架外闌干
畔待到月如胸鏡滿成就良緣誰借坤靈扇還是夢中尋覓慣黑甜鄉近
紅樓遠

如夢令

題書

花上一雙鸞
鵲花下一羣麋
鹿花裏是誰家
金碧幾間樓閣闌
角闌角留得
繡衣餘馥

十六字令

天未必虛生面
似田頻看鏡
何日繪凌烟

醉花陰

春夜

險剋蘭期終不果
眉岫和愁鎖
天遠玉簾櫳
下九初三魂恁銷眞箇
影兒
陪著人兒
坐在鏡兒左
一樣惱人宵
我慣思卿卿
可思量我

浣溪沙

穀被情天做弄儂那回厮見太匆匆虛窗隻坐爲誰容
鏡對八棱眉串翠
玉垂雙箸臉頰紅答書黏了又開封

六寸圓膚點地輕蓬山只隔一重屏顫聲未敢遽呼卿
天竹子嬌當飼鳳
海棠花密好藏鶯黛眉不似往時并

番女十八拍

紅成步障綠成幃恣春遊受花袖忽吞驚蝶踰筍鞵疑觸臥牛
圈兒兜了
又重兜且歸休暗中拾得沙俘子縫取香羅作枕頭

舞馬詞

檀奴願隸妝臺正衣日照三回笑拂紅絲塵尾看花何處歸來

卜算子

風不吹愁偏能惹恨倚聲遣之

風也難相躲愁也難相躲躲得春風怎躲愁索性風前坐
燕不飛單箇蛙
不飛單箇何不吹人作一團飛上花雙朶

清平樂

帕

摺成方寸紅淚頻偷搵錦繡鴛鴦都濕盡惹得他同飲恨
美人曾灑薔薇
裹將嘉果相貽盟約恐忘嚙臂齒痕挑滿邊兒

菩薩蠻

帶

想飛驚燕齊垂地舞時能似霞飄未贖得者般長詩腰瘦過郎
兩端閒自

捻縮箇同心結綵鳳幾生修雙雙繡到頭

踏莎行

闌干

艷截裙腰香沾粉指迴環界住銷魂地拈花跨似綠莊鞍聽蕭憑作烏皮几
日影晴移月痕暗記一生除此誰堪倚隔簾猜得是他來巡檐拍徧無人理

霜天曉角

花也難方比棠棠沒香比了梅梅太瘦都不似者紅妝 夜涼更繡裳好腰
身記量眞箇減分便短增一線又嫌長

樊山師曰絕
似蔣竹山

少年遊

氣如蘭麝臉如霞徧是隔牆花玉闌捉袖瓊簾奪帕匿笑口噴茶 意中還

有人傾國秋菊可同誇生得腰肢細不差當邢尹一般佳

摸魚兒

題徐仲可珂純飛館填詞圖

想非非題筆壓箋可憐城北身手曉風殘月銷魂句聽徧旗亭都有同不朽
 悄向這愁邊添箇櫻桃口珊簾粉牖會調衍青蓮聲偷白石說甚夢窗叟
 天生就絮果蘭因懺透帕盟鈿約厮守怎修跌麗長如此禁得婦人醇酒絲
 欲繡帕沒骨相思化作雙紅豆鸚嗔燕呪教看取香羅者些垂地腰爲什麼

瘦樊山師曰
容若復生

沁園春

同人分詠指甲

細劈花絨淺兜檀粉香巾淨揩又月闌記影玉簪替畫霜縑留迹金翦分裁
養倩潛搔攜防暗損搗小桃紅染得纔閒拈帶視鯉鱗太赤烏爪同皚提
鞦自挾微苔笑郎嬾纖纖輕掐顚把瑤琴側按薄於鶯管銀鐙斜剔尖代鸞
釵梨汗彈餘蓮心摘盡舞袖雙籠不肯擡徧相擾要青錢試捻錦簡催開

聲聲慢

冰池同仲可作

完堪替壁碎可成鉦鷗天蓋爲誰交穩讓雙鴛鴦春痕睡出些凹鏡妝影兒都
滅恐沈魚瞞住妖嬈只愁海奈寒無可凍暖不同消一樣清難容唾莫茗
噴脂口添暈紅潮洗硯人曾瑠璃小黑盤蛟堅還祝他堅定到伊行須更堅

牢方便甚勝仙家銀漢鵲橋

樊山師曰凹消二韻
問關罵語玲瓏藕心

湘春夜月

恁多時不教雙笑羅幃綺劫一換華鬢連簡也難投那箇與奴方便算燕兒
能去欲寄還休念小簾淡月虛廊獨夜同是悠悠 窺黃寶鏡曉紅錦袖身
子如散這樣相思眞轉悔往年屏角成了湘眸蓬山未遠又幸虧攔夢無由
且鄭重把迴腸九折纖眉兩道端整消愁

西溪子

與閨人賞花

我豈終身貧者卿莫將眉攢也且看花花正好人未老一刻千金宜寶富貴
緩些圖那能無

虞美人

題曉妝圖

熏籠未滅燈初炧，那箇將鶯打隔簾。埋怨者般聲偏是今朝偏早叫人醒。
畫眉巧奪春山秀，香散紅羅袖。不知明鏡怎生修，看到伊梳蘭鬢牡丹頭。
洪

丹曰神
似竹山

甘草子

並頭蓮

無縫紅湊鴛鴦邊，同蓋團圓夢。錯認夜深涼，肩背交相擁。一樣清香風吹送，
卻不分誰輕誰重。憑徧池闌，暗留空待六郎來共。

南柯子

鷺挾雲聯壁，魚吹水孕璣。待船人歇夕陽隄。無數藕花紅過小橋西。

減字木蘭花

蘭湯初試手放重簾都窳地防著檀奴偷賄雙鬢雪膚
嬌羞寧獨不效
鴛鴦池上浴一霎回身澡豆拈來暗打人

鵲橋仙

題俞筠蕃國光撫琴感逝圖

悄無人處畫簾垂地賸得衣香依舊淒涼月姊夜還來怕那箇黃昏今又
金徽試按朱絃強理一曲梅花開後桐君也悼賞音稀卻比了荀郎消瘦

高陽臺

蔣子貞學堅節余手書四壁蟲聲一鏡人影二語倚此調代簡因亦

和答

四壁蟲聲一鐙人影無愁也覺悽惶更被花枝拂來亞字成行自家生就聽
秋命把西風當了紅腔算飄然吹笛菱湖載酒楓江料應此際同枯寂好
修書燒燭讀書添香便不能眠姮娥陪坐虛窗甚時學得壺中術縮遙天都
做歡場勝花間置驛殷勤對鶴思量

相思兒令

紅葉

秋與石家爭富珊樹滿崖巔卻比萬花時節穠豔更堪憐我欲當做猩箋
一張張書徧林間提防逢著金風將他吹滿情天

大江東去

丁酉歲暮書感

就懸金印比英公鄧相已多。虛活富貴功名鈎上餌。賺徧古今豪傑不死誰。
能長生信美那裏求。丹訣百年如駛黑頭容易成雪。還是鶴氅尋梅貂裘。
貰酒乘好風。明月消受些兒清靜。福願把浮榮都折不賣痴。歇休於跌麗譽。
我憑妻妾手揮如意一聲鸞嘯空濶。

粉雲奩詞卷二

蒙古三
多六橋

憶少年

山中訪友不值

千株桃樹一灣溪水三間茆屋敲門沒人應
應聲空谷 待到 he 時新釀
熟可從君引杯燒燭雲中且來去笑拈花騎鹿

菩薩蠻

橄欖

綠霞嚼得茸同膩妙香清比花還細
苦怨與甜恩親勞檀口分 兩情濃似

液兩意堅如核熱出並頭蘭偎他
鐙畔看 樊山師曰鍊字如稻生之鍛

離亭燕

題張研青 澱西塞漁隱圖

好箇煙波家產日釣錦鱗供膳除卻桃源無淨土世事至今堪歎如有渭川
逢莫把羊裘長袒 我亦聖湖閒散青笠綠蓑同辦柔櫓一枝舟一葉裝徧
圖書絃管欲載似花人恨不姓名都換

杏園芳

瑤情可有些空玉肌可減些豐相思只恐也如儂帶圍鬆 畫堂鸚母前頭
見勝常一屈瓊弓蓬山就隔繡屏風忒難逢

甘州

效湘社集賦六憶

憶來時少進又消停。淩波故姍姍，愛麗如初日，皎於新月半面。還慳可是暗
將人試指，也不輕彈。捧向鏡前認，恐夢重圓。累了惺惺小膽。這夜深獨自
覓徧鸚闌笑，洩聲嬌喘。芳氣似幽蘭，忽提防侍兒蹤。至道怎生能理舊時歡
伸蕙手，放簾垂地，暫伴郎單。

憶坐時笑就小熏籠。替移繡花茵，有餘香不散。我慚韓壽，卿勝荀君，只在海
棠屏底位置。肯雙分緊貼。訶梨子比玉還溫。穀了，偎紅倚翠，強抱來加鄰。
琴樣橫陳，較昭陽飛燕，輕重幾多斤。恐檀郎未能承受，趁落英敷地，試安身。
同看月一坪，芳土兩個人。

憶食時舉案學齊眉，不諧不相莊。倘臂如飴鬻，頰爲酥吮，何必黃梁配了可。
餐秀色，早已飽飢腸。且剖桃花粥，腹葬春雙。笑勸酸辛，宜節把梅羹匙起。

偏要同嘗送睡絨尖舌檀口餵簫郎不分明口邊櫻顆與一絲蘭氣一般香
 今消瘦止相思味當作去聲家常

憶眠時枕簟窄分鋪含羞不教同僅狸奴多福相陪孤另一晌徧容卻耐淒
 清慣了好个往宵儂鎮怕郎輕薄只是惺忪 待到月斜人困把羅襦繡帶
 都替偷鬆引鴛衾密裹成繭便同功說劉楨向徒平視把芳顏今夜飽看紅
 催安息夢尋些作去聲容易晨鐘

憶立時剗鞦到風前險爲麗娟昇幸藤蘿如網柳絲成帶留住娉婷我在碧
 梧陰裏虧得未追尋闌角芳姿影一樣亭亭 滿地蒼苔紫蘚襯重臺履穩
 比毯還平把郎肩憑暖翹首看河星怕天上女牛相妬妬桂堂雙慣勝仙人
 誰知道幾回深夜伫苦停辛

憶去時兜上牡丹鞋離魂黯黯銷把魂兒銷殺怎生禁得轉眼重撩漸隔花
枝漸隱真個比天遙莫化行雲了目送都勞 蕙約蘭盟好在說初三下九
玉珮休要縱一彈指頃愁思肯相饒悄湘簾情波盪漾閉煞儂偏不影雙飄
知今夕大家幽獨月也無聊

酷相思

桐江道中

夾岸畫眉啼不已與水調聲相繼最欣似人行明鏡裏雲倒擁玻璃底山倒
擁玻璃底 廣拓錢唐三百里又彩鷁縱橫艤佗蘇小鄉親誰可比嫂正在
新梳洗妹正在新梳洗

雙紅豆

西湖觀荷

紅荷花白荷花一樣花花葉葉遮那邊人浣紗
美浮家竟浮家花似檀郎
妾似他鴛鴦休認差

沁園春

紀遇

記得花前那時曾見不解避人正月隨娘拜初三乍過梅偕郎弄兩小相親
戲罷鞦韆嬌喘定又邀捉迷藏蒙繡巾貪耍甚惜千金一刻虛度芳春 年
來屢生別恨趁琴牀並坐簫局同熏把鳳鞵偷視膚圓六寸燕脂饒鬢脣點
三分已覺魂兒銷盡了欲真個銷魂盜有魂私自忖恐今番是夢待問前因

暗香

題折梅仕女

幾生修得喜舉來藕腕妝成檀額笑弄一枝花與攢攢手同色看徧羅亭紙
帳怎分辨誰香誰白但只怕殊俗酸鹹調鼎遽相迫 屏側黯然憶更有箇
縞衣雪兒難匹粉兒莫及惟算眞眞等傾國能送風前半臂寧忍冷捲簾并
立替我喚憑仗著數聲玉笛

雙燕兒

題筠蕃淑配王正雲女士月夜味梅遺冊

香南雪北人家穀消受這瑤華馨於豆蔻甘於橄欖不喫桃花 此番紙閣
生春白贖一枝清影橫斜饑思色療渴思話止何處尋他

喝火令

題倦繡圖

鳥飛終不語好花恁能香嫁衣偏爲小姑忙其奈日來一線添了許多長

錦短難爲字弓彎笑倚牀紅絨誤唾茜紗窗越費工夫越想繡鴛鴦越繡鴛

鴛越倦越要繡成雙

樊山師曰方之黃九青勝藍矣

鷓鴣天

記得如花署不勝悄無人處共桃笙招涼替拂同心扇匿影催移短足檠
思往事總牽情幾時重聽玉釵聲鴉頭羅襪鵝翎白蟬翼紗衫蟹殼青

羅噴曲

庚子亂後重逢故人推食解衣倚聲銘感

飢食周郎粟寒披鄭相裘餽遺何可謝富貴便相酬

昭君怨

紅梅

比到桃花紅瘦比到杏花紅透只聘海棠花不差些
記得那回鐙夜記得
那邊亭榭香个不分明酒初醒

鵲橋仙

紅蓄時候玉人年紀數了破瓜重數酒杯孤另沒心傾記暗握櫻桃曾賭
一番離別百般惆悵底不和春歸去此時縮地倘相逢定勝那羅惟初遇

點絳脣

吳門舟次書見

一角紅樓小桃花外垂楊裏燕簾鈎起有个人梳髻
相見偏難相別偏生

易心私計月圓年紀能待樊川未

闌干萬里心

罷郡遊孤山

黃堂我亦傲推賢
騎鹿聽簫趁少年
笑舉梅花當玉鞭
比坡仙那箇風流那箇閒

金縷曲

渡宣化洋河

水勢來天上挾泥沙
浩如海倒渾疑潮
長手拔寶刀揮不斷
又似黃河闌放且休渡
蒼茫一望髣髴淮陰爭戰處
演當年決壅軍聲壯
平地起峭波浪朝宗要有能容量
且兼涵飛泉萬道奔流萬丈濟
利豈憑飄布力忠信

自應無恙扶軸去將車爲舫轉惜觀濤黃仲則未追隨這裏同高唱

黃仲則曾客山西出險否問亭長

長相思

歸化衙齋有酸漿草一叢絳囊赤實即徐一夔元故宮記櫻毛殿前
之紅姑娘也

餓鸚哥問鸚哥比到江南紅豆窠相思誰最多 朝騎駝暮騎駝扣肯燕支

山下過蒙古呼姑娘曰扣肯朱顏爭鬪他

眼兒媚

次和成容若紅姑娘

天似櫻毛殿裏寒豔影照荒干

大黑河在歸化城南即水經注之荒干

比烏刺奈

一名歐李蒙古處處皆有

賽沙按

子紅得尤殷

一枝長十八堪配想見助芳顏三娘妝罷小娥歌闋插固姑

間

鵲橋仙

題王萼樓錫輝詞稿

珠江風月錢江山水當日恁能拋去更聞芍藥豔揚州家又在花深深處
黃河鈞鯉黑河射雁方便寄些尺素莫教埋怨到將軍做這箇征夫知遇

憶江南

閒中憶嬌小見雙了兩顆相思紅豆子一般怕癢紫薇花櫻口笑噴茶

閒中憶小袖便新妝穗剪齊眉蛾競翠花簪拉翅蝶迎香

齊眉穗時妝額髮名拉翅宮妝髮名

玉

立不嫌長

閒中憶鏡閣罷妝梳月白單衫熏北麝水紅雙履繡南湖笑靨自生朱
閒中憶同坐海棠巢五色筆摹鵝鷺稿十香詞譜鳳皇簫魂殼此時銷
閒中憶小字背人呼草聖教臨懷素帖花王學繡牡丹圖耽誤好工夫
閒中憶互數指中箕拜月花前分繡簾生辰竹下賭圍碁親自勸添衣

閒中憶往往發嬌嗔閒事慣猜花姊妹虛名妬到竹夫人敢說洛川神樊山師曰

絕妙
好詞

閒中憶替婢隸朱奩巖桂膏濃香鬢腫海棠蜜潤粉渦甜妝罷盥摻摻

采桑子

辛亥中秋

今宵月比常時白
穿了花窻照偏藤牀蓮滷徧生引淚長
清暉玉臂分多
少一樣相望兩樣思量
那箇催他換繡裳

醉花陰

寒夜懷人

守著鐙兒紅一顆
獨自西窻坐沒得素心人
欲說無聊只有梅花我
今宵
眞箇能來麼
奈夢都難作
去聲月比舊時彎
鈎起離愁不醉如何躲
樊山師曰
似稼軒

粉雲盦詞卷三

蒙古三 多六橋

桃源憶故人

過故人居見桃花盛開感賦

樓臺圍著花如許花裏不知誰住獨向雕闌凝伫沒箇人堪語 斜陽紅不

多時暮那奈劉郎前度那奈重來崔護燕也無尋處

樊山師曰
斜陽佳語

買陂塘

題稼軒詞集

擁旌旗大江南渡筆鋒都帶豪氣風流算得眞儒將韓岳怎生能比呼近侍
且學取錢田按譜歌簾裏還勞粉指把紅豆輕拈碧闌低拍和擊鐵如意

黃金印我亦當年肘繫弓刀遮護千騎於今鵠在深山聽同感一般身世須
料理何必買瓢泉隱也如青兕良辰贖幾恐寒食清明愬愬過卻又是落花
矣

喜團圓

金錢暗擲牙牌頻卜紅煞鐙花風枝忽誤芻尼噪奈爭樹寒鴉 闌干拍徧
簾櫳倚罷白了窻紗和衣欲睡又還推枕剝啄誰家

別銀鐙

相肚

羅似傳柑帕大錦有繡花衣裹荳蔻胎初蓮蓬乳小春被絳雲深鎖探芳能
麼緊護著巫峯雙朶 不把鴛紋裁破更愛鷓斑薰過紅抹酥胸白挑瓠齒

微向翠霞襟。香生汗顆。想暗換舞衫同裸。

醉太平

贈杜雲峯

舞衣賽鷓征衣染。猩梅花鎗急身輕。學沙場遠行。
明思陵賜秦良玉詩云世間多
少奇男子誰肯沙場萬里行

神如水清姿如月明戎裝眞箇談兵把將軍喚卿

楊大眼妻潘氏戎服同坐大
眼指謂諸將曰此潘將軍也

采桑子

次和譚瑒卿祖任

海棠開後無消息。界月簾遮。印水橋斜。誤盡佳期不肯賒。
青春都向愁中老。兩鬢將華。半臂添紗。獨坐苔階數落花。

山花子

寫懷

倚徧紅闌與翠樓是鄉雖小亦溫柔底事買貂遙出塞覓封侯
錦勒珊瑚
盡款段玉簫金管換鉤軸至寶丹傳三百首穀風流

千秋歲

祝會旭初封翁七十

草堂無恙但覺松圍長年未百朝經兩昔爲皖北令今作山中相尋夢做這
人真在羲皇上 兒晉黃花釀孫捧紅籐杖風月伴煙雲養殷兄難喚弟白
傅都呼丈桃實熟青天等我騎龍訪

菩薩蠻

柳絮

雪花丰態曇花性梨花顏色桃花命忽趁一絲風飛飛滿空 自家棉力
薄又呪東風惡到底盡飄零兒童捉不停

阮郎歸

倚紅人對牡丹花想花花想耶一股穠豔不多差較量稍瘦些 姿替月臉
勻霞水邊雙睇斜新妝至竟是誰佳要郎眞箇誇

清平樂

春暮

日長歡短花外鶯聲滿只有紅樓無皓腕誰把珠簾重捲 美人消息難知
年年瘦減腰肢倒是酸心梅子和盞又遇話時 話鹽見古樂府

江月晃重山

題湖濱消暑圖

楊柳綠撩望眼荷花紅捧吟身肯隨襪襪去尋人西山爽拄笏看嶙峋 射
虎不如放鴨盟鷗應勝圖麟納涼我亦欲傳神須添个蘇小好鄉親

一翦梅

觀程玉霜演思凡劇

聲似迦陵清且揚不做荷官卻學娟娘明嘉興尼能書畫文殊眉畫遠山長莫過明

因宋時臨平有明因尼站窈去瑤光願祝芙蓉都化雙訴到情衷知道愁腸錢文端公觀演小尼姑下

山戲吟云無情最是長眉佛訴盡春愁總不知和南轉替禮空王還乞黃純先變紅妝

鵲橋仙

爲黃菲怡題玉霜筆蹟並博瘦公同晒

車爭擲果書工帶草姿媚梅花相近懸來十硯舊軒中價可倍當年唐韻

偶拋檀版謝頒鐵券能替江東羅隱羅隱有代錢武肅謝賜鐵券表稿傳世自從八法亂他真即

此事闈房無分管夫人行楷與松雪不辨同異

八月圓

南園觀金少梅劇戲成此解

櫻脣紅吐歌聲巧珠顆綵絲穿嬌於么鳳清於老鳳字字都圓 百花頭上

姿疑雪堦髻勝雲盤霓裳舞處誰如線毯緊貼腰彎

玉漏遲

梅蘭芳納福芝芳爲籩室倚此調之

這雙鸞鳳友芳名並噪清聲同奏一樣鶯喉一樣蛾眉螭首一樣明眸皓齒

更一樣圓膚纖手平視人宛如姊妹誰知夫婦 紫芝合嫁紅蘭竟不怕河

東那般獅吼金屋深藏此福好生承受笑比新人是鶴卻把箇梅花厮守今

夜後莫使玉容消瘦

樊山師云陳壽如在亦當避舍

燕歸來

題顧太清杏花畫幅即用其自題原調

想學珍哥寫自家

元武宗后遺硯背鑄珍哥自寫小影

錯畫成花他應如杏杏如他春水照一般

佳 東風十里紅仍在簪不到鬢邊斜誰能偷聽玉琵琶最可恨亂唬鴉

清平樂

畫海棠并題

紛雲脂雨烘出春如許蜂蝶比人還世故沒有些香誰去 花王雖豔微頰

花魁雖馥微酸這是羣芳第一誰從芳國重詮

江南好

春來好做個聽鶯人玉粒香熬梅粥喫金花燥沁豆芽聞怕噀笑迴身

春來好蘇坐小紅亭出土笏將牙刷刷臨風花當肉屏屏人去有餘馨

笏古玉名

春來好錦洞屢尋他紅嚇鸚彈天竹子粉瞞蝶掬海棠花貪耍不烹茶

春來好穩睡過紅明窗縫花香風擠扁階砌蘚暈雨斂平撲蛙泥同行

賣花聲

玉霜新婚

嘉耦是天生一樣傾城猩氍毹上掣紅巾臉帶些兒羞更好那個先頰
棠

睡背銀燈繡被添層學檯螳領臂長橫不管紗窗人獨夜悄擁桃笙

水晶簾

蟄園賞牡丹卽席成此博主人雙笑

今年花比去年肥
醉胭脂正芳菲
樂得尋歡還好躲
危機卻似汾陽初致政
歌管裏看家姬
錦幃開處有人兮
筆同持硯相攜
玉唱珠酬亭北不輕離
化到呢喃新燕子
香世界總雙飛

憶江南

前作十詩雜詠花事意有未盡以小令廣之

梅花好越冷越清芬
大地先春纔數點
漫天遜雪只三分
等煞作羹人
山茶好盞止美人
嬌花鶴頂圓紅耐
冷葉犀甲厚綠難凋閒
學趙昌描
梨花好帶雨媚橫生
絕世總嫌脂粉污
嬌春不使綺羅爭
本色殼傾城

紅杏好命曉等鶯曉數十株陪揚郡妓一雙花配阮家姬插鬢忒相宜
桃花好豔似倩娘魂妬倘能醫金作屋亂如可避玉爲門我欲學秦人
中客好貌得費針神五瓣翦開千片雪百花縫作一團春拋與素心人
川紅好難狀寤詩家品亦最尊如木藥格須稍降聘梅花休恨欠香些
花王好蜂蝶總來朝紫惡鼃聲人閨位黃羞豬命將加袍終比衆芳高
薔薇好風致四鄰香籠搭繡衣熏紫鳳架堆錦被蓋青鶯姊妹鬥新妝
玫瑰好穠豔過牆蘿插鬢色增紅韎鞞舒肝香淪粉琉璃花坐當熏衣

風蝶令

往事

白玉雙環珮紅羅百褶裙鬱金香屑倚鑪熏情願化爲胡蝶鎮隨身 豆蔻

繡毬花
稱巾客

花如昔櫻桃樹又春忽談往事悄生嗔恁麼破瓜時候不疼人

醉春風

繡幕都鉤起人和花門麗多情偏道比花強記記櫻顚脣紅荔枝膚白柳
條腰細不自梳雙髻長髮教郎理忽聞鸚鵡喚琵琶避避避朱漆臺邊碧
紗窗下皂羅屏裏

虞美人

潞河泛舟

煙波沒有閒愁大雙槳都划破鄰船底不看芙蓉看得嬌羞臉亦似花紅
這時休泊橋西處水熱斜陽煮鴛鴦飛散怎生尋還是離人夢也會同衾

生查子

愁煞倚闌人眉與波同縵池閣晚風多鴛鴦如何就 求不得偏求此苦誰
能救紅豆飼籠鸚替念觀音呪

解語花

孫慕韓 寶琦招飲淀園當荷

紅裳濯錦翠袂裁繒凌波自憐玉骨北勝南強枉相誇誰有者般芳潔風廊
水閣都看徧一作平枝不折卻怕豔妝人盡妬寧止雙荷葉宋人妾名鴛鴦修得
忒好三十六行花底共偷活我所思兮在銀灣心事怎生能說邀涼道熱多
謝箇杯消酒渴等到甚時攜素手藕再絲絲雪

滿庭芳

次和慕韓與爽召南良同作淀園賞荷詞

水珮欵魚風囊散麝靚妝欲鬥錢田淨於新浴沒有汗珠圓這箇清涼世界
多虧是鷓鴣分捐臨流坐蓉裳蕙帶爭勝竹林賢蓮歌聽采采都還記得
十錦塘邊把鬪紅艇子划徧湖天今日擎花飲醋如洛客來就平泉休辜負
難并美具捱到月輪偏

賀聖朝

戲題侍兒繡香十八歲小影其母爲女搬武家故伊亦剛健婀娜也
躍鞍挾彈輕於鳥薛姬同巧薛素素善騎馬挾彈自誇裙裏腿家傳阿誰能較脂英黛
俠當熊都肯肉屏風休誚玉姿替月比蓮花願團圓長好

浪淘沙

癸亥中秋

做弄許多秋忒煞清幽桂林獨坐當香篝風鋸一枝金作屑閒襯衣兜
我
欲斫牢愁月斧難偷鄰家不管夜悠悠歌女未終麟閣曲釵鳳簪頭

浪淘沙

重九夜雨

簪菊笑登高酒興方豪忽逢天外雨蕭蕭這箇聲兒都殺了還有芭蕉
風
伯肯相饒緊把窗敲醉鄉廣大可能逃不是今宵猶怕聽何況今宵

鷓鴣天

梅宛華三十索贈

年紀仍疑豆蔻餘萬人到處看羊車
蚤芝顏色長爲玉勝竹喉音總似珠
傷飲菊帽簪莢向時狡獪作麻姑
麻姑今獻檀郎壽究與檀郎那箇姝

菩薩蠻

閨怨

嬌癡錯過花時好，朱顏空向愁中老。
莫倚玉闌干，玉闌干夜寒。榆關消息
妄鵲也將人，誑因甚不歸家。况他還憶他。

山查子

那個能來響屐郎，偏逢姊妹捉迷藏。
錯喚一聲羞，又惱當檀郎。細劈紫絨
揅，蛺蝶輕丟紅豆餌。鴛鴦徧倚闌干，獸等著與他雙。

醉花陰

冬夜有懷

蓉褥蘭衾香自熨，煖便催郎睡。寵奪錫奴專，代記新詩，脂口低聲背。別來

嘗盡愁滋味又夜長如歲連个夢兒無欲不思量教我如何會

荷葉杯

憶姬人玉并

我欲幽歡重理和你除夢怎生旋今夜該將錦被添眠
眠眠眠

玉連環影

寄玉并

應相憶應相憶日日數歸期頻側耳時聽叱撥暫寬心處噪芻尼孩性甚諸

姬

江南春

金龍亭贈小鶴校書

相視笑改言雜鶴齡風廿四麋影月初三櫻簾不捲柔荑手同寫壽牋當絮
談

昭君怨

生性比人嬌妬當面問他羞語昨夜怨儂無笑回軀 畫就花都並蒂繡得
枝皆連理今夜要儂不笑低頭

粉雲蠹詞卷四

蒙古三 多六橋

南歌子

關外春寒玉霜演劇三日而去贈此以代折柳

衣窄腰堪揣
笙寒指屢呵
梅亭會得護
香羅底不紅
裁萬幅密圍佗
鶯吭
偷金縷燕脂
羨粉渦羊車
倘過女兒河
替問杏花消息
有些麼

搗練子

聞羅瘦公惇蟲將遊申浦寄此代簡

鶯乍囀燕方喃
者樣新聲肯不耽
料理綠箋青
筠笠杏花春雨到江南

浣溪紗

甲子清明恭祭

昭陵

此地猶堪學種瓜
秭歸底事促回車
匈奴未滅等無家
輦路鹿眠規矩草
宮門鶯啄吉祥花
不平不敢哭當衙

浪淘沙

入關

莫道這水堅能換花
天寒溫本在一條鞭
只要馬頭都肯掉
坤轉乾旋
載得小妻還不是
求官猩裘鶴氅探春穿
笑此隨驢東澗老
那箇悠然

虞美人

閨情

闌干倒比人親切
遮護些風月
蜨兒無分近紅妝
偷向春衣凭處嗅
餘香

買花笑倩檀奴遞，恁不將儂理等。他來就鬢邊看儂，亦不將他理戴花還。

憶王孫

踏青

尋芳爭趁落花天，行徧長安淺水邊。有腳陽春不算賢，讓金蓮。步步青生繡履尖。

三臺令

有鶴未歸庭院，何人同倚闌干。惟有影兒跟定，越愁越不能瞞。

醉花間

蜂爭舞蝶爭舞爭，舞盡知若檐角。即危機蛛網新添補，偷閒貪獨佇陪著。
紅鸚鵡春葱插畫闌，聊當催花鼓。

摘得新

舊園林芬芳若个尋花開花自落過清明一樣黃鸝千百轉沒人聽

生查子

萬泉河贈鼓姬王風詠

只箇轉春鶯巧勝絲和竹一字不曾差爲甚郎頻目
微揜翠袖露纖更打
回颿曲偷問賞音人何似梁紅玉

清平樂效太白四十六字體

四兒瑞均幼喜畫鳳倚此勗之

釵頭研背余有雙鳳研依樣好生繪長傍琅玕萬枝翠竹實莫貪人饒
比到戲

蠟心靈比到塗鴉手慧他日歸昌爲瑞圖徧漢宮應會

瑞鷓鴣

書見

晚妝箇箇門嬋娟憑徧危闌未肯還繡履踐苔凹八字金筒噴蕙串雙環
短長柳似愁難絡零碎花如夢不圓酪子裏攜纖玉手橫波猶向那邊傳

昭君怨

題王瑤卿畫梅

記得舊人如玉譜出喜神如祝梅譜有藥杵祝等樣簾外比春寒舞衣單翠鳥欲棲無
侶白鶴已飛無語不待綠成陰毀酸心

西江月

題馬氏生壙

曠似賞詩居士達逾好酒劉伶醉歌不用鍤隨行死與落花同殞 華表撐
雲待鶴券臺分土埋鸚笑他疑冢苦經營今日一坏無定

憶王孫

桃花合在武陵溪誤嫁東風碎錦飛不化紅雲化紫泥便成蹊願襯鴛鴦勝
馬蹏

如夢令

梅信沈沈作此訊之

太尉銷金帳底處士巢居閣裏消息五更風來日綺窗紅未紅未紅未指冷
笙寒重理

滿江紅用平韻

題王岷源 永江小照

千百銀光誰倩得鸞手寫成

錢武肅使鸞手校尉寫士子貌見胡岳歎曰面有銀光奇士也

爭道是益州留像烟

閣圖形扇畫放翁添粉本筆描白傅徧雲屏且憑他婦孺共觀瞻稱名姓

金更鑄鎔作型絲更買繡於綾作萬家生佛消受香熏退食詩篇求估客先
幾易理演君平婉當年景略佐符堅光汗青

朝中措

自題小照

黃金散盡不憂貧龍性怎能馴除卻醉鄉廣大更尋底處容身 英雄易老
成仙沒分證佛迷因天亦忒無公道硬差我作詩人

一翦梅

雪

同水仙開六出花滿地鉛華滿地瑤華炙笙素手一般佳親自煎茶親自擎
茶 忽憶林家與戴家去訪人耶去訪梅耶溪山應比此寒些還是攜他還
是瞞他

風蝶令

玉井見余雪詞戲吟云身似梅花不畏寒溪山香雪願同看紅蓑翠
笠新妝束敢比尋詩李易安矚括其意作此歌之

粉頂貂翎護香肩鶴氅披水晶簾外玉階墀冷與梅花能耐立多時 舐筆
臂凝墨呵笙手凝脂不須簑笠去尋詩卻比易安居士豔些兒

江城梅花引

落梅

東風搖落向陽枝，忽山崖又溪湄。那箇更憐此是衆芳魁，寂寞萬千紅紫外。
只仙鶴守殘香不肯飛，不飛不飛立苔磯。雀安知螻尤癡，也去也去則
去何處堪棲。花有榮枯似月有盈虧，富貴循環都一樣。毋自苦待春還笑幾
回

漁家傲

獨宿西山望昆明湖作

漫道人間真不廣，這山今有誰來往。踰得夕陽紅碎響，驕馬掌，錚錚似拍高
歌朗。莫把西湖勞夢想，算吾重作西湖長。倒捲烟波羞獨享，羅萬象同斟
北斗呼明黨。

琴調相思引

西望

贖水殘山寄此身幾時能掃却餘塵斧柯都爛閒煞看棋人
零落紅英香
滿地馬蹏踏碎錦般春蝶隨蜂趁爭進阜城門

浪淘沙

春夜不寐

越是可憐宵越是無聊紙窗難把月關牢倘得結璘長作伴還勝藏嬌
憑
煖畫闌凹穀了魂銷海棠花底一枝簫吹醒守紅蝴蝶夢聽到明朝

錦纏道 此調平仄句豆依圖譜

見桃花有感悵然成此

寶馬香車一笑曾逢鏡市問家居玉纖遙指紗窗豆綠闌棠紫半軸珠簾那
角紅樓是憶雀娘冶容雀郎重至算小桃有些兒解事倚門依舊春風悵
如花不見只見花相似

好事近

過舊衙有感

窮塞者回來誰識十年前主溜馬兒童都貴已潭居何處當門官柳瘦於
人空有斜陽駐樹亦不禁憔悴况風流張緒

謁金門

乙丑三月十六日關外猶峭寒也

春冷忒過了清明寒食月到舊時庭院白海棠無信息閒背繡屏風立悄

把畫闌干拍心事悶尋鸚鵡說欲言言不得

憶少年

寓齋獨坐

者般庭宇者般時節春人一箇春愁怎能耐算春人難作去聲
自課懺紅禪蘇茵跌笙聰明有鸛鶴念金經相和
貝葉譚殘閒

相見歡

當初人亦如花不爭羞記得隔簾郎誤看兒家
人已老花自好漫相誇明
日落紅成陣請看他

謁金門

春寂寂那奈夜長人隻明月漸低花影側數聲何處笛
空向醒時相憶還

是睡時能覓莫道黑甜鄉裏黑甜鄉路直

女冠子

春暮寫懷

買山耽閣佳處算吾邱壑出重城紫陌尋芳轡紅樓勸酒箏
梨雲烘蝶夢
花雨濕鶯聲
蘼苴春將盡
羨歸耕

如夢令

閨怨

花每開時偕飲月每明時同寢
花好月重圓
孤負這回杯
枕疑甚疑甚還不
歸來因恁
爭上聲

金縷曲

爲留香館主人畫白牡丹并題

歐碧鞞紅外玉玲瓏能行一朶別標清貴螺黛燕脂都淨盡消受桃和雪
靨飄翠幄通身沈水眞箇花中王者樣管羣芳沒有些兒媿香與色勝蘭蕙
葉揩粉汗如羅袂比何郎容光轉皎餅湯初試今日蛾眉無虢國淡掃怎生
得會承湛露獨饒姿媚我願家家團扇上把羊車喬影調鉛鎗莫看煞洛濱
衛

調笑令

斜月斜月正是獨眠時節誰家吹玉鞞笙擾得空房夢驚驚夢驚夢剛與那
人騎鳳

十六字令

眠夢境居然又一天重衾裏將夜補長年

水調歌頭

題蟄園烟波一舸圖

一棹開紅舸趁著藕花時美人書卷兼載翠管與朱絲不是杜公游漢卻似

遼王浮海

耶律倍讓皇時載美人書卷浮海去

又若五湖蠶天水碧無際同泛有西施瓜微削

蓮輕剝手如萸者般消暑還勝減樂避危機君莫侶鴛而隱我欲友龍相訪

笑換芰荷衣萬事皆泡影何必擁旌旗

稼軒詞壯歲旌旗擁萬夫錦韉突騎渡江初

憶王孫

萬泉河觀荷

紅幢翠蓋塞河花還比西湖穠豔些不用旌旗和鼓笳澹華鷗鷺都爲伊

里蝦滿洲謂起曰伊里侍衛曰蝦凡尊貴
出入門禁皆傳唱伊里值者鵠立

好事近

題淡園

風景縮三山術學壺公閒試不管輭紅飛處已換成世界
池蓮徑竹異平
泉交遊亦君子欲問主人模樣道菊花相似

瑞鶴仙

讀史有感

百年人盡老看豪傑英雄王侯寇盜紛紛一齊杳縱麒麟高冢牧兒憑弔斜
陽宿草更誰知優龍劣豹在殘編存點虛名還仗筆鋒公道
多少今猶如
夢冶鐵防身碾金圖貌量珠買笑不須羨怎修到似曇花泡影終難長保只
有文成較好棄尊榮從赤松遊拂衣去了

粉雲畫詞卷五

蒙古三 多六橋

金縷曲 丙寅

題新得禹尙吉畫成容若小像卽次其贈顧梁汾原韻

公子今重耳忒風流璧臺珠殿早登科第歌哭似含亡國恨

公先世本蒙古人據葉赫爲國主

至竟莫名底意天恁肯欲都從已然諾等於金鼎重染猩袍恐是相思淚看

平富貴若雲水 鴛鴦小社同吟醉趁良辰餅花瓊酒壽如生忌我亦少充

弓箭手錯認前身不得已得再作去聲詞人無悔親把沈檀焚寶鴨當香山供奉

瑤軒裏 張功甫有景白軒供香山像 磨鳳硯 余藏容若雙鳳硯 自家記

雙頭蓮

思歸

戎馬書生將萬戶功名換些詩本當年自分把廣廈高屋收羅寒峻詎料滿地江湖奈身難安頓時暗忖鏞劍橫磨怎生劈開愁陣 欲做半箇神仙向溪山勝處呼龍同墾栽桑種菌得一味甘美平分羣吻况復繪好蕤香逢秋風初近何不隱白鶴飛來行期數問

山花子

時世妝

窄地長袍不繫裙減增卽樣稱腰身應是曼珠妝束好巧翻新 崇嘏若昭都不比怪他偏比夜奔人手弄紅絲蠅拂子假生嗔

鷓鴣天

余生長湖山最戀河渚歸田有志買宅無資聊題家藏章次曰西溪

梅竹山莊圖爲左券

願買溪山似畫圖隱偕羣玉葬偕朱

陳雲伯有秋雪漁莊在西溪管湘玉蔣玉孀文靜玉皆其侍姬也厲樊榭與妾朱月上同葬西溪

香長消受花千本甘穀分嘗果百株
行引鶴坐觀魚一灣流水繞茅廬不
知梅雪蘆霜裏誰掉扁舟夜訪吾

南鄉子

讀清涼居士詞感而和之

說甚建功勳報答君親並拯民自欠兒孫寃業債憂貧利鎖名韉未脫身
久欲做閒人跨上驢鞍始算眞何日翠微亭畔路爲鄰好學居塵不染塵

虞美人

聞雁

平沙欲落還飛起冷月淒風裏
這般時節正人愁偏又這般時節過紅樓
飢鸞渴鳳同飄泊可有音書託橫天
不設寫相思只把个中消息帶些兒

浣溪沙

戰罷羣魔亂未終淮南家畜滿雲中
不能忍殺不英雄 修月養蟾勞執斧
仰天射狗巧彎弓太平何日問神翁

一剪梅

丁卯元夕

鏡滿樓臺十萬間好箇良宵好箇新年者般景物似從前有火皆花不水而
蓮 珠箔重逢白玉鞭瘦了嬌姿瘦了香肩姮娥今夜越嬋娟
盡日矧些願

月長圓

生查子

物類相感志 栗子與橄欖同食作梅花香云

黃栗喚鴛鴦 青果如鸚鵡 未點海棠茶 且作梅花脯

栗欖同咀昔人名梅花脯

私語比脂

香蘭氣從郎吐笑 嚼比飴甘櫻口將郎哺

水調歌頭

丁卯上巳遊北海

三月又三日 世事盡翻新 算來祇有天氣 還是永和春 觴詠山陰 難繼戈戰 魯陽爭倒帶 甲滿乾坤 幸贖液池曲 濯袂會嘉賓 馬鳴珂 鶯織錦 麝成塵 粉亭瓊島 看花人 看看花人 不看名花 千樹只看如花 幾箇爲幄 用紅裙坐

土鬪芳草貪耍到斜曛

浪淘沙

題袁挈珊 金鑑德配呂邨鋤圓圖

妨了織縑功鴉髻新髻自家種菜佐殮饗除卻柴桑陶令婦無此高風 鞭
鹿復呼龍耕徧山中歸來常帶月腫隴那有些兒閒氣力還葬殘紅

唐六如
有仕女

葬花
歌

連理枝

坐香珊瑚館拈小令以遣閒索同聲而相應

消日棋爲戲劃月闌爲記紫燕歸時紅鸚睡處香肩斜倚引柳絲試作玉連
環雙雙牢締

千秋歲

壽詞

嶺梅開後大展和羹手人不老仙同壽祿應羊食萬頌叶龍生九叻鯉對樞
還喜似陳堯叟相印懸金斗女樂觀紅袖棋賭墅文論囿帷中能決勝閣
上功居首平涿鹿願爲力牧兼風后

滿江紅

寫懷

我欲歸田田未買怎生歸得惟印上自鐫齊館不營阡陌持節三爲窮塞主
杖藜重作豪門客且修仁明月與清風談今夕耕只有龍籛筆耨只有螺
丸墨莫詞將兒罵稼軒罵兒詞有咄
豚奴愁產業句字煩妻迫李東陽
鬪字事富貴本來如露電神仙難

學思泉石待何時
鞭鹿種梅花居山澤

如夢令

絃管舞樓歌榭詩酒花天月平作
夜何日遂雄心收拾山河如畫休要休要擊

劍讀書馳馬

東風第一枝

早春

乍卸貂裘頻擲羯鼓梅花新放多少覓詩有客騎驢載酒與人聽去作
鳥通宵
燈火比明月長圓還好算這回閒似遊仙將相詎能修到
波欲縹凍池乍
解陵亦變冰去作山終倒且尋香國偷生儻許醉鄉至老東風休猛願
噓徧羣
芳開了待那時箔拳垂鞭紅上畫樓雙笑

燕歸梁

詞社同人集余齋賞杏花同用此調

白似梅花絳似桃樹倚雲高強充鼎和在何朝將賸核此間拋 等鶯期蝶

剛開徧風剪錦月規瑤儘人飲酒與吹簫願片片蘸鸞膠

鸞膠無那片紅飛
元遺山杏花落詩

風流子

同社約用此調詠余所藏成容若雙鳳硯

泮妃駕綵翼辭丹穴又伴倚聲人把朱漆鏤臺錦屏低護碧璃雕匣綺席橫
陳鎮相對桐枝應善擇竹實儻飢吞臨罷蝶圖復摩鷓影撫餘禽帖重畫蛾
痕 當年鴛鴦社聯珠與綴玉日日隨身爭勝蕙柔手捧棉輭肌親

黃莘田
硯夜令

婢金櫻抱之而
睡取其溫潤云

况金風製銘翠岩并寶

此硯本周青土物其誌曰余向得翡翠岩
硯竹垞曾銘之今復寵飾斯硯真石交也

紅樓

紀夢

飲水詩云今霄便有隨風夢知在紅樓第幾層詞云孤枕夢邊城卻憶紅樓半夜鏡等句

紫館儲珍終使補天無用文彩長存

鵲橋仙

書願

賣刀賣劍買牛買犢更買青山賣畫溪分燕尾繞田園近水構竹樓茆舍
梅花千樹桃花萬本間種芰荷桑柘携雛弓幼剖甘嘗倘遇着漁樵閒話

菩薩蠻

曉起

汀茫殘夢應難續晨妝理了憑闌曲生怕嚇啼鶯有人呼不響
落花如絳
雪閒向風前襯鄰院又笙歌海棠依舊廢

一斛珠

觀玉霜演江妃劇

梅精模樣幾生修得嬌相仿
睽睽圍看紅茵上
擲果封珠一箇身兼兩
自古蛾眉多不讓樓東亭
北花爭放幸虧還有如鶯
吭替荔鄉人宛轉新聲唱

憶江南

家園好九曲古城隅
石靠樹疑揩痒虎風迴萍護放生魚
何日賦閒居
家園好施水舊橋邊
風動竹如牛礪角月迷蓮
誤鷺鈎拳雖小足回旋
家園好昔在柳營中
大樹殼分三徑綠名花長放四時紅
歸計老英雄
家園好今傍美人湖
鵲翠梭門外柳鴛鴦紅
縵水邊芙蓉止憶蓴鱸
家園好門正對吳峯
雨至瀑垂鉛閣雷雲開山變翠屏
風悔不勇歸農
家園好屋破但添茅
雙玉寶爲君子佩
萬金分結故人交
倘比杜陵豪

家園好清供自相誇雙鳳硯摹懷素草百蝠平作瓶插牡丹花誰復駐高車
家園好人比昔時多陪客索書添鶴子迎尼教偈徧鸚哥未必可張羅

粉雲齋詞卷六

蒙古三 多六橋

雙紅豆

曹靖陶熙字先後寄贈紅豆兩雙一筴一實狀類蠶豆色紅而堅光
豔若瑚與本草所載半紅半黝者迥異謂海內僅三樹一在虞山一
在粵一在歙此歙產也爲其家文正公所植高四五丈葉冬不凋數
十年始花而實故得者不易譜此謝之

長相思最相思南國生無第四枝
茜窗人笑持 歌曲時記曲時豔比妃脣
絳點脂鬢來甘可知

憶秦娥

宿香山聞歌

山重重滿天明月桃花紅桃花紅誰教玉笛按舞芳叢
獨眠我憶懷中儂
戎裝恁不來相從來相從同騎細馬笑當鷓鴣風

回心院

同闈人步遊瓊島

翠水環樓殿聳層巒替竹臂爲之字杖擱花肩當亞文闈翠水環願爲鴛

霜天曉角

書悶

悶和誰說花影風篩月驚醒綠朝雲夢同聲掉詠梅舌
越愚偏快活越貧偏離別難道我材無用天生底不如不
舊作綠梅八律樊山師曰可付綠朝雲歌之

憶少年

過舊衙譜此代家書

彩蟾年紀烏菟邊郡銀魚時節東關舊垂柳向香車曾拂
爭似鷓鴣和蝶
蝶互相憐鬢霜肌雪何當更親迎
仄 媿桃根桃葉

浪淘沙

蟄雲招同方地山飲津市酒闌日暮回溯舊遊愜然成句
花落又黃昏忒煞催春繁華銷盡暝紅塵駿馬名姝都老大何況愁人
往
事等浮雲夢也無因不如苦海競抽身沽水可尋蓬島路別有乾坤

醉思凡

和邵倬厂章美人口

櫻脣自香蘭津又芳馬思答吉同嘗本草馬思答吉令人口香解渴比飴甘味長歌鸞叶風
吟鴛和鴛玉杯新印煙霜笑紅傳粉郎

惜花容

美人足

重臺履樣翻新意賭折高花如上砌古詩履高疑上砌圓膚本與曼珠同偏說這般妝

便利 夜褫溝覆鐙帷洗不許郎看猶可避睡時無術拒伊持轉側溫香鴛

被裏

菩薩蠻

書見

渠儂容飭何端麗繡衣綵繚長拖地補鬢拗山茶袖兒承落花 畫闌和伴

凭笑語輕難聽蝴蝶昵髭芬緊循雙印跟

南柯子

玉姬臥病余亦倦遊日涉小園判春排悶

玉剪晴裁雪金衣暖襯霞勞人視疾得看花
捱過海棠時候未離家

又

看到朱明種名標白暗牌幾枝亭北未全開
留著好些春色待重來

南鄉子

和玉姬棠院養疴作

穠豔奪烟霜織出天機錦幾張
汝守嬌紅儂守汝情長
爭似花間蝶一雙
多病減容光
能服珊瑚散
最良願
這番風同不老
延芳夜
向通明奏綠章

闌干萬里心

玉姬病劇口占此解余強下轉語以爲繼聲

這回私語毀銷魂不似長生殿裏人
玉懺紅禪了苦輪乞慈雲化蝶成鵝共
捨身

武陵春

悼玉姬

密誓願爲交頸鳥生世總成雙
折得卿偏命不長翻悔做鴛鴦
碧落黃泉
無覓處難道算終場
越捨思量越不忘
越捨越思量

玉連環影

效飲水詞

煩惱忒比春難了
糝徑殘花紅煞無人掃
只圍屏不聞笙行徧
畫闌干曲獨尋鸚

月當窗

齒痛欲落

排玉方佳

唐醫家口齒方有排玉集

每逢同病誇貪啖荔枝三百能不笑太饞些
鎮心微

食瓜點心輕嚼花何似深淵親戚纔失勢欲離他

西江月

題營川寓樓樓臨遼河春夏間爲颿檣勝處也

南浦雲飛棟上東吳船泊門前更堪遙望極幽燕誰伴危樓憑徧
我似青衫司馬人疑赤壁游仙海神倘亦肯相隣
蜃市明朝應見

闌千萬里心

故園秋柳

最思伊處畫闌凹曾結同心在柳條慘翠愁黃縷萬條枉拚嬌人影如何繫
不牢

鷓鴣文

十月初四日爲玉姬生忌焚此祭之

羹必親調餼必嘗巧諳食性勝厨娘念如蹶距虛相失恨不能燒卻死香

儂福薄汝情長幽泉還怕爲神傷

幽泉還爲我神傷
形容若悼亡詞

生先容若妻一音日容若夫人

盧氏十一月五日生也累詞人賦悼亡

謁金門

辛未二月初九日夜寓齋睡起作

長相憶又是去年今夕求徧返魂香未獲而龐兒恁覲 忽有遺芳滿席來
慰異鄉岑寂夢裏成雙醒後隻算相逢也得

浣溪沙

馬回回琴雪芳玉頰同人約悵其姓名六字倚此悼之

園裏花飛况隔牆教人憶是歌廊馬前何處更尋芳 白雪琴聲空自譜
黃梅詩味總難忘方回斷了幾回腸

金縷曲

金靜厂毓徽約 昭陵修禊分韻得水字

且住爲佳耳看山林梨花徧放正逢元已翠浪粼粼城北繞耐可除灾介祉

便算是當年溱洧天寶永和都過了只渾河每歲猶如此清與宴倘能俟

欣聞賓主皆名士二難并追華媿濟塵談文史况復人生如大夢真箇成仙

有幾我本守陵兵已老

余曾鏐小印曰守陵老兵

附群賢蘸筆兼浮醴惟怕罰飲墨

平水

海棠春

寓齋見海棠

海棠庭院無人處獨自箇這回延佇本似合歡花變作相思樹 忽聞的爍

聲如故錯認了迷藏香霧不料雪衣娘會學他言語

爍影搖紅

登吉林曠觀亭有感

大好江山宛然小李將軍畫惠和還算暮春初塞上無朱夏不等鶯迎燕迓

便登臨紅闌翠樹者般佳處難覓英雄石稜誰射 三百年來挽強多少威
天下至今縱有短衣人往事如何語恐待杏花已嫁贖東風桃花又謝更從
那裏能與漁樵酒杯閒把

酷相思

玉姬逝後時時見夢至八十八日之夜夢其在一高樓樓前星光燦
爛與四女伴皆青鞋玄裳臨闌而立俯謂余曰妾在是無恙幸勿念
也言訖渺然至週年前二十一日夜夢同至一宮殿渠入內不見余
逡巡而出遇一青衣擊鼓守闈詢此何地曰子母宮自後久不復夢
因成此解

謫做人間才女子

胃氏姬金玙有小印文曰王母
第十三女謫人間爲才女子

忽重御靈廳起旣修到同棲何

別離去聲儂命也該如此卿命也該如此。雖則仙娥長不死寧共化花連理
誰替語玉樓瓊闕裏能更見紅顏未容更見紅顏未

賀聖朝

尋夢

思量往事猶追海底良宵貪睡早知祇有這些緣總燒鐙相對。於今尋夢
夢都不遂擁寒衾難寐倘將此際換當時可延歡增倍

風入松

祝獻麓五十雙壽

會誇不可及之年富貴亦神仙蓬萊居住猶餘事旌旗煥兩浙山川世襲滿
牀袍笏家傳大筆如椽。黃扉密勿夜當參歸也送金蓮夫妻好似泥和水

烹茶待賭記芸編修到期頤纔半還看比翼朝天

尋梅

雪後遇蕊仙

玉龍戰罷相逢又比邨回越饒嬌秀卻憐我比前消瘦道賞音莫誤舞衣歌袖
俗華曲與絲同奏算碧天也應稀有
一聲乍囀脂香口便成春不是峭
寒時候

浪淘沙

辛未除夕奉天旅邸懷人次周晉仙明日新年韻

顧曲當田錢勝伴花眠眉如螺翠鬢如蟬豈僅療飢能解渴親捧茶船
吹
笛溯梅邊錯過良緣背人顰笑最嫣然下九初三休更誤明日新年

虞美人

長春客感

金漆聽鶯檻珊鈎待燕簾墮風櫻打玉琴絃宛似小桃紅染指頭尖
世事
渾難說春愁不易砭獨醒盞覓睡香甜借箇杜光庭枕化鸚鵡

恨歡遲效花草粹編張尙書體

四月十四日懷舊

花盡番風月乍圓時假髻初笄性格卻嬌羞畫蛾低問撲蝶潛期
愛則愛
終日總相依恨則恨今日偏離願再世長生人間天上比翼連枝

朝中措

得闈人書書後

環人催我玉人留花落忽從頭又是木犀香矣鳥傳芳訊嘲啁 清明過了
端陽過了捱到中秋但願歸期如月越圓越近瓊樓

玉闌干

重九

今年容易逢重九冷雨淒風秋更驟龍山換了幾多人惟留得菊花依舊
捲簾卻似渠儂瘦奈暗香怎生消受欲圖淺夢醉些時誰能送一瓶茱酒

南歌子 效秦少游五十五字體

代簡

腰細三圍整膚圓六寸纔隔簾常作倩娘猜難道香魂真化此羣釵 嬌若
龍堪喻聲如鳳總諧替歌芳草幾時來幾時來重把金尊檀板好安排

好事近

詠燭

懷翠復含丹，蠟炬相煎尤急。一點心紅如豆，比箕然堪泣。延嬌曾爲海棠燒，好事應回憶。今夜花開，迎喜願玉尖休別。

添字采桑子效漱玉體

春來風景都依舊，紅徧芳梅，綠徧柔荑，惟有離人忒煞誤佳期。相思最是黃昏候，拂了金徽，捲了羅幃，燕也成雙爭似那時伊。

浣溪紗

題昭君出塞圖

只用蛾眉不用兵，乘邊閒煞鐵衣人。漢家妙策是和親。今日關氏堪絕代。

他年居次亦傾城平生得失在丹青

玉蝴蝶

花前獨酌

昂頭天外相望誰共吸西江就算百年長花前醉幾場
賓朋羅萬象供養
受羣芳何事苦奔忙控蚪凌大荒

楊柳枝

關東也柳枝關內也柳枝一樣春風分早遲綠參差柳枝
管別離柳枝惹
相思柳枝安得年年到此時送人歸柳枝

可園詩鈔

沈瑞麟



可園詩鈔卷七

蒙古三
多六橋

贈羅瘿公情蟲郎中壬子

人品如西晉家居愛北平文章根道德詩卷薄功名風雨聯牀話江湖載酒
行不妨相視笑何以復陶情

重至京師

草木深深又一旬入城聊作看花人
夭桃歷亂開無主依舊東風不是春
時陽歷已四月矣

贈賈郎

萬人如海笑相迎月扇雲衫隱此生我惜賈郎仍不幸儻逢劉季亦良平

相逢正是落花時，彩筆紅牙一手持。難得東山絲竹外，與君讀畫復填詞。

睡起

八尺桃笙午夢長，微嫌睡起已斜陽。安危天下諸公在，閒看殘棋打劫忙。

題畫呈嚴範孫修先生

生長吳山越水邊，梅花修竹各嬋娟。全家何日得歸隱，琴鶴半船人半船。

題海棠畫筆贈建齋

東風嫋嫋自紅芳，燕子歸來亦斷腸。不道此花開未了，捲簾人若忽空廊。

無題

飄茵墜溷各東風，落盡深紅與淺紅。三窟能成惟狡兔，萬家皆毀奈哀鴻。瓊軒往事如天寶，金谷清談憶石崇。七十二沽烟水濶，不如同汎釣魚篷。

薩霽謙 蔭圖 都護挽詩

百年歲月愁中去，萬里風雲眼底狂。
持節建旄聯絕域，乘車戴笠忽他鄉。
今春遇於津門途次 苟全性命驚相見，有數人才痛獨亡。
恨不天風吹海水，倒添蒲酒引

杯長

午節前
尙同飲

實甫先生出示前生三張詩畫卷冊分題六絕

夢晉歲寒三友長卷

前身明月後如來，修到梅花第幾回。
莫謝時人便歸去，匡廬絕頂日徘徊。
世傳夢晉爲子晉後
身先生爲夢晉後身

我詩強半憶雙文，多病多愁又勝君。
儻效爭墩王介甫，此圖合讓故將軍。

吾家入關後以張爲姓故少時
得一舊印曰小生姓張佩用之

船山詩畫冊

月滿金尊三太白水如碧玉百東坡不知控鶴吹笙者可奈拈花跨鹿何

船山生時其母夢一騎鹿拈花少年自稱夢晉

眉史當年罷一麾第二頁印文曾聞暗裏鬪蛾眉船山有暗畫蛾眉鬪尹邢句尹邢月旦原難

定只問崔瑩是阿誰

春水山水冊

桃花如雪浥香塵來證三生未了因七里山塘無恙在鶯鴛不作作春人

洪北江夢晉墓詩云桃花落如雪下有春人墳

青山薤骨不薤憂如此江山勝虎邱拔宅浮家偕隱去逍遙十二萬春秋

壬子秋暮將赴盛京適廠肆有以前清成邸送紅梨主人之任陪都律

詩直幅來售遂購得之詩云東去陪都兩建牙兵農欣戴賈商誇坐談
能飲驪河水臥治無求期島瓜曉出鷹人擁臘雪夜歸燈婢候挑花鬢
輿再幸粉榆地我勝彭宣拜內衙卽次其韻留別同人徵和不僅結翰
墨緣抑亦爲瀋陽添一掌故也

五載三邊建節牙能遭人罵勝浮誇祖居此亦堪栽柳

吾家世居撫順城順治二年遷駐杭州盛京乃第一

梓桑也吏隱何妨學種瓜鴻爪且尋留雪印

去冬由西伯利亞歸過奉會小住三日

馬頭猶看傲霜花

諸公未必慳珠玉輝映紅梨舊玉衙

之官書感

解脫名韉歲甫周掉鞅又作出關游一肩行李惟書畫卅口生涯仗馬牛

昔有畫全家坐直上已坐馬牛者

惡客詎能尋痛飲

古人謂不飲酒者曰惡客

虞卿何以遣窮愁昇天儻遇遼

東鶴雞犬同仙我欲求

福陵

白山三百載王氣忽銷沈
辛苦先皇業艱難太后心
故宮不禾黍虛殿尙松
林萬古無衰盛東周合到今

昭陵

應順公天下遙承祖德馨
一家輕社稷五族重生靈
鼾睡仍傍榻前清聖祖東巡詩榻邊鼾
睡聲先定始布中原一著棋摩尼競不庭
舊京多俊傑同護樹青青

疊牙字韻呈張金帥都督

天上將軍擁纛牙
范韓威望世驚誇
大年仙饋安期棗
密慮人分曼情瓜
鞭馬電馳登柳子名峪
樓船風順度松花
老謀深算誰能及
籌運帷中覽運衙

鄧孝先 邦述 民政次前韻見贈三疊奉酬兼懷階青

富擁書籤十萬牙曹倉鄴架可同誇

君收藏宏富

侍郎翰墨懸香樹和尙丹青弃

苦瓜忽散四方持使節重逢萬里憶探花

與君別數年矣秋間偕階青訪於津門旋各別去今又相見奉垣而階青在申也

儻遺雙鯉煩傳語日課新詩靜放衙

四疊前韻答孝先

流水高山擬伯牙同聲相應喜相誇倦遊莫對玉維竹好學會嘗鄭灼瓜茗
品小團天上月香吟十八塞邊花名心冷淡今何似老納參禪吏退衙

孝先疊前韻作豔體五疊和之

記得當年管握牙入時眉樣背人誇相思欲化雙紅豆消渴偏懷三白瓜淡
墨書成微帶草輕羅繡就總如花更憐香澤甜於蜜願學蜂兒早晚衙

六疊前韻贈孝先

處處相爭有犬牙，折衝尊俎此堪誇。
十分熱血烏拉草，一片冰心哈密瓜。
世事如行荆與棘，春詞聊和霧非花。
中原今日多驍勇，同看王顛將遣衙。

錫聘之鈞先生次韻見贈七疊前韻奉酬

不勝綠酒厭紅牙，常有詩篇衆所誇。
髀肉久生惟種菜，嫌疑遠避肯傍瓜。
兀良北伐思阿朮，耶律南來盼秃花。
招我東籬閒採菊，兩山排闥石排衙。

八疊前韻贈同社

文章泉湧不聲牙，富貴雲浮詎足誇。
樹穀何如仍樹木，投桃乏報况投瓜。
才并學識三長史，韻鬪尖叉六出花。
我已腸枯休擊鉢，聞聲渾似鼓催衙。

九疊前韻簡同黨

不把餘芬惜齒牙先生好好聽人誇
醫方妙試仁粦杏梵字閒排子剝瓜
得月樓臺終近水爭春梅雪亂飛花
舊蜂新蝶添多少齊力東風莫鬧衙

讀左氏春秋拉雜成韻

諸侯方二國家危安得長驅襲敵師
奔魯黑肱先以濫滅吳白晳豈無施璧
完馬長談非易牢補羊亡計未遲
當日繞朝曾贈策竟將童子視何知

大雪作歌

堂堂乎上下五千年之歲月蕩蕩乎縱橫九萬里之地球胸中抑鬱不可釋
眼前平坦皆堪遊安得奇肱氏飛車安得穆天子駿騶東結木公西聯金母
朝玉帝於三十三天之瓊樓我有大欲同要求不願富貴亦壽考只願佳日
都春秋不願天公雨珠玉只願雨粟雨絮徧九州頓使普天之下號寒蟲無

復嗷嗷待哺形如鳩君不聞衛君出倉而開府又不聞景公發粟而脫裘胡
爲翦水揉雲誇玉戲遮莫稱祥頌瑞期豐收期豐收其奈下界哀鴻已將填
壑而填溝臨風奏綠章玉帝搖其頭笑曰茲事體大難相酬汝讀盤古書豈
不知天缺一陬鍊石尙待他人修儻能照所陳應將西朔先綢繆汝讀搜神
記亦知織女與牽牛聘錢迄今償末由於我係姻婭不能使之不隔銀河水
悠悠神仙恨事管不了那得解衣推食更爲塵世謀博施濟衆堯舜尙不能
何勞借箸來代籌不見掃徑開筵煖寒會之豪舉更有烹羊宰牛銷金帳之
風流憂者自憂樂自樂何必苦與身爲仇麻姑仙將進酒賜飲一杯澆盡牢
騷萬古愁酒醒起載拜忽在梅花深處風颼々

憶自客冬與何鬯威震彝同寓津門觴詠甚密出關以來不勝離索之

感賦此寄懷

記得去年初罷鎮重逢水部贈新詩

君贈詩有絕域歸來窮塞主句

白鷗浩蕩難偕沒黃鳥緜

蠻最可思榆塞又過長至日

余自戊申迄今凡冬至皆在塞外

桃源同望太平時天津橋上春

風早開到梅花第幾枝

唐花

斗柄爭先一月回羣芳應運又齊開從今棠杏和桃李平等梅花不讓魁

盆梅

繆枝屈曲縮春風伴我清眠紙帳中翠笠紅衫殘雪夜六年前在段橋東

聞狄平子葆賢好釋典久不通訊寄之以詩

可許籃梅滿滿盛從君廣路踐三明封侯久絕退之望學佛先爭靈運成西

竺國今無土，淨東林寺昔有蓮。生昭蒙我似優婆，毳摩突羅中化莫行。

彈琴不能成曲感而有作

無絃勝有聲，易忘偏難學。優哉復游哉，淵明我先覺。

檢師友攝影以曲園太夫子張文達師并小圃合懸一鏡敬題一絕

知己平生感勝恩，盱衡海內幾人存。八年屢哭師和友，小圃長沙老曲園。

水仙盛開對花成詠

爭勝餘杭別駕衙，屋多人少半藏花。蘇詩餘杭別駕無功勞屋多人風少騷騷焙之石炭千金寨。千金寨產

佳煤在撫順縣即遼金元瀋陽地漱以鍋陂五色霞。瀚海西北城記譯作鍋陂產石璀璨如霞螃蟹橫行空有勢，鳳凰飄

泊等無家冷官卻好成。三友添个梅兄萼，綠華

聽太清宮葛月潭鍊師談醫巫閭山欲往遊焉

聞說閩山好山中古碣多道人曾往見招我且觀摩萬派堂前海

望海堂遺址
遼耶律倍讀

書處千秋殿上禾

遼景宗乾陵
昔有疑神殿

醉心富瑤草明日跨飛鶴

又雪縱筆

天公好潔歟不使埃壒積天公補讀歟不許宮室夕又疑魯陽戈揮破玻璃
日又疑女媧鑪鍊碎玲瓏石未鎧光大來無林花六出昏暮竟難黃乾坤同
尙白消寒鬪酒兵會獵聚狂客我忽念流民無衣食無宅

遼東五仙詠

丁令威

城是民非塚纍然去家千載始成仙今人學比前人速化鶴歸來願卒年

卒六十也詳
嘯吾遺著

白仲理

點石無須乞洞賓作金自是濟窮民

相傳丹成作金以濟窮民

於今上下方交困那得神丹

救世人

張三丰

瓊花詩好自高吟惹得三山道士尋千里日行忙底事徧談道德挽人心

論三教經書皆本道德

黃花老人

天上山中總不同相同何必去山中輕身我亦期乘鶴試嚙扶桑曉日紅

馬真一

食時拾果採蘑菇能致甘霖萬象蘇試問醫巫闕絕頂斯人尙隱此山無

弔耶律倍

天子能爲薄不爲此心千古有誰知
聯唐未必全無力立木甘吟去國詩
讓國名如太伯賢乘槎計比范蠡全
美人書卷同浮海勝作遼皇廿一年

立春

春去仍歸百鳥鳴東方淑氣已先迎
吏閒日以書醫俗人遠天將夢感情
對衆花如鸚解語撫孤松有鶴隨行
願看水草同生處五色旗飄不用兵

陰歷除夕乃陽歷二月五日也

前月已看正月月新年尙過去年年
民間猶循舊俗詩从賈島千支祭集自陶潛甲

子編到處雁行仍索債來朝騶從不驚
眠最欣短髮無衰病堪傲香山玉局

仙蘇詩我今四十二衰髮不滿
梳白詩病髮愁心四十三

梁保三 知鑑 老伯七十壽詩 癸丑

海內尊如老伏生更如顏子有公評

梁志文謂公鑿不違親貞不絕俗真國之顏子聞者趨之

胸羅河嶽猶思

訪口說詩書總踐行二月百花齊獻壽

陽歷三月稱觴慶賀即陰歷二月也

九江三水共垂名公少

從朱次琦先生爵世稱九江先生為嶺南理學大師

能承家學蘇和仲

謂哲嗣燕孫先生

蓋代文章集大成

五羊城郭會仙儔健步橫拖玉杖頭老學庵間詩萬首大羅天上福雙修門

牆久仰文中子

及門甚眾

鄉里咸推馬少游滿擬浮邱騎白鹿從公採藥讀春秋

公於學無所不窮尤愛左傳

十疊牙字韻和夔龔主人

兼井文武大林牙

遠百官志大林牙翰林學士也又行樞密有左右林牙

天錫能詩敢並誇潑墨如傾饒樂

水喀喇沁為古鮮卑地饒樂水出焉

運籌當賽藩陽瓜

近人藩陽百詠詩云批紅判白知何事儘有輸贏說賽瓜

人才金史師安石

王位元朝脫不花莫笑梁園舊賓客春風不坐坐東衙

此間稱副都統
署曰東衙門

讀實甫先生近作十一疊前韻乞和

傳編船脣與槳牙新詩句句萬人誇佳於蜜漬海棠果清似粉香山木瓜書

卷倒抽如束筍筆鋒橫掃總生花訪碑我又添新拓遼百官名補二衙

前乞先生

題朔漠訪碑圖新近又得鳳凰城樹土遼幢拓本八紙多婦女姓名曰郡夫人花巖與女花寶二衙內永壽妻信真與云云

舊日僚友過談十二疊前韻示之

穿墉誰謂鼠無牙知罪姑憑口毀誇身復在官殊善果

唐鄭善果

善果 膺能擒將讓奴

瓜遼耶律奴瓜 休提曲突遷薪策且看飄茵墜溷花憶昔夜深同避賊險艱北走

似彭衙

蕭運靈鎮洪心泉成淵何寶生榮光同次前韻見贈十三疊報之

蕭洪何筆競槎牙益友新添喜欲誇生面同開山谷集通心如食洞臺瓜春
風桃李三杯酒晴雪園林半樹花莫伴閒官常放曠諸君努力到南衙

夜寒不寐十四疊前韻以遣睡魔

月啖蝦蟆豈有牙虧何足歎滿休誇

時有不得志者故用東坡送杭州杜戚陳三椽罷官歸鄉詩中語意

春臺坐待黃

緜襖冰谷思尋素葉瓜廣廈萬間慚杜甫專房百歲寵梅花無聊屢翦西窗
燭怪異誰談石押衙

日本河西健次博士以文信國野鶴舞風塵誰憐自在身重來襄陽閣

舊雨是何人詩幅徵題書法剛健因識一絕

趙家無復舊山河天地長留正氣歌此幅並傳東海外忠精赫赫不消磨

偕譚瑒卿祖任彭子嘉穀孫訪保安寺同次宋西狂先生集中題保安

寺西院詩韻

車馬出西郭，鞭絲帶日斜。青蓮宇非故，况復百年花。

十五疊衙字韻壽張都督七旬晉一

自古將軍號虎牙，今并文武更雄誇。

時兼民政長

廉頗善啖加餐飯，宋就懷柔代

灌瓜十二鎮，西新橋實三千觀。裏小桃花明朝菜子賡，寬詠又看仙官報曉

衙翌日爲哲嗣生辰

寄階青

故人先我隱青山，青山白雲相往還。他日呼龍種瑤草，兩家結屋桃花灣。

日歸日歸不趁趨，鮑叔知我心非貪。清風明月有錢買，早躡白鳳翎毳毼。

獨坐

獨坐月三更誰聞長嘯聲乾坤大廬舍星斗亂碁枰羣動柝中息道心林
外生詰朝買春困高臥過清明

前清大行隆裕皇太后挽詞

天步艱難久能教媼逆天山河公五族宮府自千年德比英皇淑名齊任姒
賢鼎湖龍去遠舊淚又如泉

國讓榮哀在時移恩義親此眞女堯舜應勝宋宣仁田海躬逢變乾坤手造
新宮車渺長樂花鳥共悲辛

自題水仙畫冊

四十三年萬事非臨風擲筆獨嗟歎黃金揮盡黃冠在欲跨琴高鯉背飛

遣興

漠北歸蘇武遼東老管寧
裁雲臨石鼓度日閱金經
奴僕多移體親朋半改
形餘生無遠志駿馬換媼姪

次韻遙和孫師鄭雄自題詩史乙集後

春思今人半變秋不須險
覓復狂搜六經未必仍千古
一說居然定五州詎
料捕蟬還遇雀更防刺虎待爭牛
賞詩那有麒麟閣我替司空表聖憂
漫言有爵不爲奴何以家爲共憶吳搖夢自酣風幕燕驚飛難穩
月枝烏功名雲漢成蒼狗生計烟波羨玉鱸異日重逢俱老矣
摩挲銅狄對嗟吁

偕金帥都督過遼陽書道中即景

山邊流水水邊霞爭羨村農此住家
紅盡夕陽門不閉一枝牧笛萬桃花

大連灣

寧海幾曾寧

昔屬寧海縣治

南關久莫扃春從牆外望潮在枕邊聽宦海沉人黑他

山奪主青且尋遊宴樂何處不新亭

車次晤日本白須直秘書喜贈

桃花如醉杏花愁萬里相逢月正三借問平沙芳草岸遼東春可似江南

君曾

任蘇州領事

海濱拾石

南山隱甯戚西域使張騫我游東海畔袖海懷坡仙不可作空仰蓬萊
顛不如攜嬋娟跳上米家船行廚煮石食一去三千年

遊星浦星乃家作

不須海外訪神山，星乃家中數往還。
細馬紅妝同入畫，哀絲豪竹暫偷閑。
晏清欲借蟠桃待鞏固，空留卻月彎。
忽破羣憂成獨笑，西湖雖好豈無患。

旅順口

沉沙折戟尚縱橫，袖手曾觀鷓蚌爭。
豈意湯池成禍水，竟教堦石變愁城。

明史

金州衛東南有
望海塌石城

假虞滅虢應爲鑒，攻魏連吳或可盟。
白玉山前春正好，同歌伐

木鳥嚶嚶

可園外集

沈瑞麟



可園外集

序

國初平一海內以從龍勁旅分駐各行省是曰駐防大者統以將軍其次爲都統又次之爲城守尉吾浙杭州乃東南一大都會也於是有鎮浙將軍有鎮浙副都統皆駐杭州開軍府立滿營度杭城西偏以爲城其周九里其門有五規模闊遠矣二百數十年來功名之隆盛人物之豐昌流風遺俗之敦厚故家世族之久長不可勝計而紀載缺如無以垂示於後中間又經兵燹一營俱燼亂定之後乃調集乍浦福州荊州德州青州四川六處駐防重建新營牘復舊額入其城者但見衙署之鼎新廛舍之草創欲問其故事而遺老盡矣乃有有蓋溪協戎之哲嗣曰三多六橋者著柳營謠一百首凡有涉

掌故孝重以詩記之上紀乾隆中高廟南巡之盛下逮咸豐間瑞忠壯傑果毅兩公死事之烈而凡杜仙之墳鳳氏鳳氏之井句曲外史之廬臨水夫人之廟以至九月演礮春分鬆鞍雲鬢月髻湘公府之闈裝留月賓花榮部鄭之吟館事無巨細一經點染皆詩料也卽皆故事也可以傳矣余春秋佳日必至西湖由錢塘門入城必取道滿營如得此一編於輿中讀之望將軍之大樹觀故冢之喬木其可慨然而賦乎光緒十六年歲在上章攝提格仲春之月曲園居士俞樾詩年七十

序

余於丙戌歲始於花市構屋以居距杭防營僅數武地暇輒入城既愛其風土清淑旋以琴酒獲交其士大夫又欽其溫文爾疋有儒將風未幾其子弟競以文藝來從余游有六橋世勳三多者爲有望谿協戎喆嗣年少多才且能留心掌故之學憶杭城自順治五年始設滿蒙八旗防營迄今垂卅六十年其中規模規制文物聲明彪炳可風者殆不勝數而紀載闕如中丁粵難一營燬焉克復後舍官與兵僅存四十餘人餘悉調自荆青閩蜀乍浦諸營以復舊規非特文獻蕩盡即其坊巷風情大非昔比六橋惜其典則云亡深抱數典忘祖之慮爰爲廣詢老成窮搜故實一各一物莫不筆以載之積歲餘所得既多乃仿竹枝詞體成七絕詩百首名曰柳營謠而請序於余其詩

自開國至今大而宸章官制勳業忠貞小而風俗園亭世家古蹟釐然畢舉
若諷若規隱隱寓勸懲之思寄今昔之概正不徒誇顯榮存典則已也余於
防營棲游既習思爲剞輯志乘以傳其盛恒苦攷證之隘迄未卒業成書今
得是編資我不淺他日書成不得不呼爲將伯也故喜而爲之序光緒庚寅
春王廷鼎書於花市小築之瓠樓

柳營謠

蒙古三 多六橋

吾營建自順治五年迄今二百四十餘載其坊巷橋梁古蹟寺院之廢興更改者既爲杭郡志乘所畧而其職官衙署科名兵額一切規制又無記載以傳其盛自經兵燹陵谷變遷老成彫謝欲求故實更無堪問夫方隅片壤尙有小志賸語紀其文獻吾營八旗實備滿蒙大族皇恩優渥創制顯榮其間勳名志節代不乏人倘無一編半冊識其大畧隸斯營者非特無以述祖德且何以答君恩乎童子何如生又恨晚竊不忍任其湮沒無傳以迄於今每爲流留軼事採訪遺聞凡有關於風俗掌故者輒筆之積歲餘方百事即成七絕百首名曰柳營謠蓋如衢謠巷曲聊以歌存其事不足云詩也後之君

子或有操椽筆而爲吾營勦志乘者則此持其嚙矢耳已丑冬日自記

燈詞寵賜早春時會典房中永寶之何日新成重建復碧紗籠護御題詩

隆乾

六年頌到御製鑑詞一卷藏於會典房房已毀於兵燹

彩毫飛落九重雲會議堂開賜冠軍欲訪三司公署地查家術口贖斜曛

會

府向在查家術庫司左司右司並在焉御書冠軍二字顏其大堂今古木衰草而已

喜際昇平息鼓聲更衣宮裏仰宸題天然鳳舞龍飛筆留幸杭城九曲西

隆乾

十六年高廟南巡閱兵於大教場築更衣宮供詩碑焉杭城西北昔有九曲故一名九曲城

五小營門九里城穿城河水最澄清臨流稚子學垂釣聖代於今休甲兵

營城

內外計地一千四百三十六畝四分零周圍九里穿城二里自錢塘門而北而東南又闢五門屏山帶水勝甲省垣

平南軍府建高牙二百年來是一家今日四夷皆我守弓刀挂壁嘯龍蛇

治順

二年金大將軍領平南大將軍印統兵抵浙五年議設駐防官兵共三千九百數十人七年冬築營城以判兵民八年又遣官兵協防十五年增甲兵五百副於營外康熙八年始奉旨永不住民房

樹石參差水竹環倚園新作雅遊還御書樓上憑闌眺西背平湖北面山

向有西園去歲長樂初將軍重
葺易名倚園御書樓在園正東

豔說魚軒兩葺杭廿年風景感滄桑材官齊祝婆婆福書額重來仰北堂

希侯太夫人即威豐初年將軍倭侯夫人也重葺
杭營故於軍署二堂顏曰重來爲彭雪琴尙書書

竹馬爭騎迓使君新將軍是舊將軍藹然齋額親題處九載重看墨尙芬

謙將軍重鎮杭州倚園有藹然
齋爲光緒六年駐節時手題

都署新成涵碧亭眞如畫舫水邊停秋來妙又如書屋雨打殘荷倚檻聽

松都護今歲廣葺其署建亭召上顏曰涵碧昔松賜亭固蓮溪
兩都護先後題有停舫寄廬聽秋書屋萬花堂伴鶴軒諸勝

書巢遺址仰流芳敢恃聰明亂舊章我喜趨庭聞故事重懸楹帖復鑲黃

間南尊魯協戎任鑲黃旗顏其櫓房曰書巢爲查聲山舊書又自集尙書語罔以側言改厥度母作聰明亂舊章爲聯今家大人協領是旗仍其舊句懸之

四旗裁去近千人萬頃沙田澤沛春此即盛時司馬法兵當無事本爲民

隆乾

二十八年裁去漢軍四旗九百餘人以蕭山沙田有不耕者准其外補營勇

同承恩澤鎮之江敢享承平志氣降調自六州歸一本和親康樂答家邦

後亂

八旗調自乍浦福州荊州德州青州四川六處以復舊額

湧金門外春秋祭忠義遺阡表八旗男女當年同血戰居然視死竟如歸

忠義

墳在湧金門外褒葬庚辛陣亡官兵並婦女列入祀典春秋致祭

萬古綱常未喪斯昭忠貞烈兩崇祠至今月黑霜清夜恍有英風拂樹枝

忠昭

貞烈兩祠在雙眼井旁
總祀庚辛死事男女

漢字教成滿字來兩傍滿漢學堂開宏文自是承平象不羨彎弓跨馬回

院書

後即設滿
漢兩官學

八旗學校分文武弓箭詩書兩不荒家藝淵源邁千古栽培將相答君王

武藝

學曰弓廠乃
各旗自設者

弓胎駢角箭翎雕試取穿楊百步遙聞說將軍親選缺爭將全技獻星輶

官制

由前鋒領催挑取驍騎校廐上至於協領皆然每一缺出
與選者齊赴教場聽候考選官缺擬定正陪奏送引見

大閱爭從壁上觀鼓聲雷動落雲端馬蹶風捲紅旗滾兩翼雙開陣勢寬

三年

大閱五
年軍政

鼓角聲殘大陣還八旗兵馬擁城灣舊時軍令何嚴肅一月惟教一日閒

道光

元年奏遵於每月朔停操
一日餘則逐日輪習各技

旌旗處處風留影榭杵家家月有聲難得八方無事日格林礮隊選精兵

林格

敵來自德國營
中購置多尊

霜天吹角馬如飛卅二排兵擁繡旗都趁曉風殘月出礮山今日試紅衣紅

大礮名年例九月試演於
秦亭山西俗呼爲礮山

雜技營中博且專居然騎馬似乘船碑能直立鐘能掛儻使隨園見早傳操營

有雜技一門馬七尤嫻有立磚
掛鐘諸名目袁子才有騙馬歌

五年一賦出關行遠比尋常上玉京相馬繇來如相士空羣須比古人精例營

閱五年遣員出
關購馬一次

當年花市聚羣芳叫賣聲聲紫韻長今日祇遺鐙夜好看鐙人似看花忙紫迎

門直街即南宋之花市古名官
巷朱淑貞詞云花市鑑如舊

紅顏命薄本尋常賸得芸編說斷腸欲覓調朱施粉地綠楊城角舊門牆宋元

淑貞故居在寶康巷
今爲東城築斷其半

二仙巷裏弔詩人我與廬陵有夙因
目送飛鴻風瑟瑟一張桐雅日隨身
仙

巷在花市南神堂巷北當即舊時東城山門巷元張光弼移居壽安坊胡虛白有詩曰二仙巷裏張
員外頭白相逢尙論詩余家藏古琴一張背鑄真書桐雅二字其下又鑄瓦當文飛鴻延年龍池之
右行書延年高雅對孤桐興和長松瑟瑟風不爲野夫清兩耳爲君留目送飛鴻廬陵張光弼三十
三字鳳沼之下有隸書儀清閣寶玩暨萬年少題數十字聲音清越斷紋勻細每撫銀絲益思尙友
滄海桑田幾變更兪園無復種香杭同居七世家風古連理枝宜此挺生家
園在井亭橋南宋時爲梳田宋史
民兪舉慶七世同居家園木連理

金山當日寓河邊周北樓租四五椽可惜弁陽生太早不然得月兩家先
郭元

昇寓樓在施水坊橋癸辛雜識余
有小樓在軍將橋夏日無蚊云云

眞珠曲阜永安橋紅白蓮花共五條更有鼇山兼兔嶺至今何處問漁樵
眞珠

橋在眞珠河上曲阜橋在軍將施水二橋之間西岸跨街小永安紅蓮花白蓮花三橋
並在梅青院東今俱廢鼇山頭在清湖橋南新開街兔兒嶺在瑯牌樓今罕有知者

朱棺懸葬是何人剪紙無從證夙因何不學仙化遼鶴百年同此蟪蛄春
紅鑲

正紅兩旗協署牆界
下有朱棺懸諸寤室

城隅舊第訪平章入夢梅姬漫獨傷一樹棠陰無處憇花公祠宇失堂皇
似賈

道故宅在分箕兜舊爲鑲白旗協領署乾隆中香公格任此夢賈妾梅姬乞
焚楮帛花公禪布康熙間任此有政績去後該旗感而立祠署旁今皆廢

何氏山林莫浪推來觀甲帳接樓臺一邱一壑尤天巧侍御當年此構材
將軍

署係柴孝廉故宅其
祖明侍御公構也

上方寺裏上方池放鴨調鶯任所之寄語兒童休下釣斷碑記讀放生祠
在寺

將軍署西寺廢西池尙存有殘
碑兩方知爲當時放生所也

梅花深處昔敲門友竹交松別有軒闥罷金經調綠綺禪房茶熟正香溫
慶嘉

問梅青院僧印海善琴所居有
友竹交松軒爲嚙學山題贈

梅青古院好滋培一秀才捐一樹梅放鶴亭前人不返十分清麗爲誰開
爲院

宋林和靖未隱時所居嘉慶五年將軍范恪慎公擬爲八旗士子肄業之所見馬湘湖
明經補梅記光緒初掌教盛愷庭觀察捐資重葺議每入泮者栽一梅於庭今頗成林

曾說城西有客行機頭蕊榜見分明我來織女如重遇先問鄉人及第名
夷

志建炎春一士人步城西有虹自地出圓影若水晶老木榹澹胡茅舍機杼聲女子四五
縉烏絲丫髻玉肌雲質擅腕組織視之錦文重花中有字數行首曰李易問之曰登科記

六井於今五處無白龜池尙傍西湖朱家樓閣元家宅惟聽中天唱采蒲
龜白

池係錢塘六景之一宋朱師古元
元仇遠會居是地今惟蒲蕩而已

井名誰把鳳凰題浪喚鳳兮與鳳兮石上都無仙翰影碧梧枝上亂鴉啼
在井

大陽溝相傳爲鳳氏風氏所啓以故
得名並鐫鳳凰於井闌今無存焉

轆轤甘井汲西城簇簇松花水面生三十年來陵谷變寒波空悵一盂清
松花

井在長生橋西昔常
有松花浮水面故名

一坏黄土草紛紛魚腹瓜刀久不聞短碣搜尋重建立行人始識杜仙墳在塘

錢塘門內乾隆四十二年春正紅旗協領佛公智重修尋廢光緒戊子家大人獲其墓碑復爲封給仙名吳字子恭晉人也朱竹垞鴛鴦湖權歌網得錢塘一雙鯉不知魚腹有瓜刀原注錢塘杜子恭就人借瓜刀其主求之曰當即相還耳既而刀主行至嘉興有魚躍入舟中破魚得瓜刀見搜神記云

墳尋蘇小悵詩人何處埋香瘞玉眞且步史君新徑去錢塘門下弔鄉親塘錢

門內舊有蘇小墓詳許繩祖雪莊漁唱又有新徑見楊蟠西湖百詠

海棠縱不是甘棠昭諫曾栽滿縣香今日川紅花事了江東猶說瑤河陽塘錢

縣治舊在城西曾有羅憲手植海棠花王元之有詩

顯忠廟裏燈如海顯忠廟外人如山元宵簫鼓喧闐處一架烟花散玉環在廟

長生橋祀漢大將軍博陸侯每歲元宵鏡大極盛

春宵火樹燦銀柯月爆星毬巧樣多古廟尙留嘉澤號黃沙街口幾回過祀廟

李鄴侯向在梅青院北今
移建黃沙街亦設鑿劇

演武場中立馬來景靈宮殿早成灰紫東一片如鉅日會照宮花插帽回

乾承

門外大敬場即宋景靈宮故址墮巒漫
錄景靈恭謝駕回宰相以下皆簪花

蕪王賜第在河東御筆名園紀懋功想見騎驢湖上去長生橋水照英雄

蕪韓

王賜第在前洋街宋高宗書懋功
名其園今廢即長生橋東北垣也

潘閩猶傳舊姓名一條窮巷景淒清低回且詠元之句前日尋君下馬行

潘閩

巷爲宋潘道遙故居在長生橋東王禹偁詩
前日訪潘閩下馬入窮巷今其地爲兵房

菩提講寺證前因老屋頽廊積綠塵一徑桑麻三徑竹緬懷宰相贈詩人在寺

八字橋西今栽桑竹道光八年舅祖文吟香
公讀書於此見瑞文端公如舟吟館詩鈔

蓮蕩於今尙姓吳蓮花當日比西湖更誰攜得方池種博取清風明月無

吳家

蕩任菩提寺東昔
時蓮花最盛今廢

舊時軒月尙如輪不見填詞入道人行到蓮池西盡處更無矮屋奉高真元開

宮在吳家蕩旁爲宋周漢國公主府元時句典外史張伯雨入道於此外史開元宮得月軒詞有環堵隘花狼藉溝水漲雲充斥似石魚湖小酒船寬窄之句自關入營中惟矮屋數椽中於高真像而已雍正癸卯二月十九日厲太鴻過之有木蘭花慢一闕見樊榭山房集今則荆棘叢生陳跡不可訪矣

清湖河水自西流屋後今無載酒舟借問題詩高九萬癖齋可在黑橋頭咸溇

臨安志高九萬喜杜仲高移居清湖河詩有河水通船堪載酒之句杜仲高金華人有癖齋集黑橋今名板橋

水邊先後起高樓良相名人共不休城外湖山城內見山且看合雙修瑞文

端公故第在清湖河北岸丁家橋相近中有見山樓眺盡湖山之勝見公弟瑞雪堂觀樂琴書屋詩鈔按其地似即趙松雪爲祝吉甫所題且看樓遺址惜無好事者復建之

淺綠垂楊兩岸勻平橋猶說石湖春軒開說虎今安在况復軒中說虎人石湖

橋因宋范成大居此故名中有說虎軒

淺水長流過小橋郭西風景此偏饒江郎一去無人管欲把蘄王共手招學江

上橋明江曉居此得名亦稱小橋康
熙仁和志謂江所居即蘄王賜第

小陽谷煖遠鷺塵臥雪何須送炭人我擬消寒依樣築縱非黍谷也回春陽小

谷宋孔仲石築以禦冬不火而
煖見楊誠齋集址在洗麩橋西

馬家橋與洗麩橋流盡興亡水一條我欲沈沙尋折戟清湖河畔認前朝家馬

橋洗麩橋由吳越王屯兵得名洗麩俗稱
大八字橋橋西即清湖橋俗稱二八字橋

短短紅牆小小門一官雖謫亦君恩橋東遺署今烏有蓋代威名世尙聞大年

將軍雍正間謫杭州後貶至正白旗滿洲防禦其故署皆圍紅牆在石湖橋東折東街內按
年爲防禦時日坐湧金門側鬻薪賣菜者皆不敢出其門曰年大將軍在也見嘯亭雜錄

十官巷裏道人閒身在紛華市隱間遙想縹緗羅四壁爭將福地比鄉環陳宋

起居十官宅巷開書肆趙師秀劉
克莊輩皆有贈詩址在鴻福橋東

載酒紅橋繞綠雲紫雲坊贖綠雲紛數椽小屋臨河關水竹誰家占一分洪
橋乾道志名紅橋清
沈繩蔭爲營中勝處

癸辛向訪癸辛街鞞鼓橋西迹已埋欲就草窗談雜俎不知何地是書齋癸辛
街在鞞鼓橋宋周密
居此著癸辛雜識

楊王宅記癸辛街瞰碧名園景最佳只惜紫雲坊過晚茂林修竹繫人懷楊和
王宅在鴻福橋大滌洞天記在癸辛街有瞰碧園具茂
林修竹之勝紫雲坊在鴻福橋西今猶存一石柱焉

施水坊橋古蹟存我來偏不效爭墩前修尙有都音保鼎峙何妨說可園清尊
集分題武林古蹟施水坊橋其一也都音保滿洲人善
書昔居橋邊見武林城西古蹟者即余可園左近也

天潢鶴俸慨然分恤士曾傳好使君梅院一龕應配享王將軍與寶將軍乾隆
四十年將軍宗室富公重士恤兵奏添養育兵並捐廉飲焉去後營中設生祠於梅青院四十五年
至五十年將軍王公寶公悉宗其政體前後墾牧田召租以濟困乏杭乍孤寡口糧及遠差貼費皆

自二公始垂惠吾營
曾議共祀以報之

岱防禦畫效倪迂收拾西湖進紫都博得天顏會一笑南巡併得臥遊圖
禦防

岱彭號半嶺工畫曾繪
西湖全圖進呈御覽

一箇貓兒一餅金誰歟論畫補桐陰牡丹不用胭脂染家學淵源兩竹林
履黃

中字德培漢軍人裁汰後賣畫爲生尤善畫貓一貓一金以黃貓兒稱姪九如以畫紫牡丹得名一夕夢古衣冠人謂之曰汝畫牡丹當用蘇木汁如製胭脂法則絕肖醒而試之果逼真

教棋賣字有王郎妙墨爭如學士梁倘使當時逢月旦書名應並蔣山堂
東王

冷漢軍人裁汰後教棋賣字
避四方書學頻羅耄能亂楮

軍師羣欽多藝才工棋善畫漫相推張成風角翻新學五兩銀鷄妙剪裁
慶嘉

八年將軍宏公工棋善畫又精製器嘗以銀片剪一鷄高置竿頭占四方風信歷試不爽

梅花重補聘名師教育恩深大樹滋爲語八旗佳子弟報崇應建范公祠
軍將

范恪慎公禮賢下士，剏立梅青書院補梅延師以漢學教授八旗子弟，至今因之。

英雄原不礙風流，說元戎豔福修書罷，牡丹春晝永閒憑，妝閣看梳頭。道光

間將軍相上公善畫牡丹多內寵，教之妝點有雲鬟月髻諸名目。

就園都護最能文，儒雅多才更博聞，聽雨一編無覓處，天防著作掩功勳。就雙

園都護道光間任鑲黃旗協領，升西安副都統，署甯夏將軍，累著軍功，後予告歸杭，著聽雨齋詩文。

萬竿蒼雪繞齋齊，分照家君太乙藜，竹牒可能重我授，並將古蹟證城西。太夫

子廷雲巖先生爲吾營耆儒著作甚富，有城西古蹟攷詩文等書，亂後多失傳。

瑞公威範震千家，百戰功勳洵可嘉，兩浙聲靈傳不朽，忠魂甘葬萬荷花。將軍

瑞忠壯公堅守旗營屢建大功，卒以糧盡殉節於軍署荷池，今建專祠在梅青院前。

凜然忠義冠當時，蒙古家聲百世馳，足與湖山爭浩氣，段家橋北傑公祠。乍浦

副部統傑果毅公辛酉殺賊陣亡今專祠在湖上

我甲前修赫藕香不徒勛業與文章易名惜未邀殊典氣節千秋峙戴湯藕

香方伯由庶常改官至江蘇督糧道庚申在藉佐瑞忠壯公克復杭城賞布政司銜次年巷戰陣亡死事之烈可與戴文節湯貞愍二公並稱著有白華舊館詩稿

東公清節尚流芬千里還鄉戀夕曛不惜廉泉偏挹注二疏而後又重聞恭

介公由正藍旗協領歷升福州將軍晚年歸里盡傾宦囊分給鄉黨後復總制四川卒於道

八橋居士老禪房衣鉢無人奉瓣香副本倘留長慶集他年應學抱經堂祖外

裕乙垣公居八字橋西又號八橋居士嘉慶戊寅舉人有詩名在京供職禮部員外廣法華寺十餘年易簪時命侍者將生平著作盡納棺中昔盧抱經學士父存心藏婦翁馮景解春集遺稿示學士

詩云外祖馮山公文章驚在宵衣鉢無後人瓣香落汝手學士後梓行

緩帶輕裘自不羣此真不好武將軍當時翰墨淋漓處爭裂羊欣白練裙將軍

運上公善書得者寶之

都護清勤雅愛才高風猶聽士民推公餘別有怡情處花木扶疎盡手栽
蘭富

襟都護愛土癖花今都署花木多其手植也

姊妹才情一樣長題詩先後到山牆騷人盡解垂青眼豔比蘭芳與蕙芳
熙康

初白曉月色他哈兩女士多才多貌曉月有半山題壁詩色他哈見而和之復有名人方苞荀倩等和詩荀云新吟爲我舊吟誰姊妹遭逢一樣悲絕勝金閨樓上女蘭芳名與蕙芳垂

分明飛燕掌中身娘子偏教喚玉眞聽說能知休咎事當年不讓紫姑神
車睽

志稱居前洋街一日飛五六寸長一美婦自稱玉真娘子能言休咎

不作詩仙作畫仙李家又見一青蓮紅妝屢倩描新照眞箇神從阿堵傳
朝李

梓漢軍人乾隆間居潘閣巷工畫仕女相傳其家有樓爲狐所居一日李見一前代宮裝麗妹笑請寫照爲描撫入神後屢見而屢易其裝李盡撫之由此得名人稱之曰畫仙

鏡中眞箇自生花對臉傳紅未足誇一片青銅今莫寶空將奇事說陳家
慶嘉

丙子三月軍將橋東岸蒙古陳氏家有古銅鏡忽生花半月始滅當時詩人多歌詠之

地傍湖山秀絕塵新傳八景出名人倚園花石倉河月費盡青丹畫不眞
湖之秀匯於西城吾營盡占其勝吾師王夢徵先生每入營必低徊忘返嘗題柳營八景曰海院探春
倚園消夏西山殘雪南閘春涼吳蕩浴鷺井亭放鴨倉河泛月花市迎鏡並繪圖徵詩一時傳爲美
談

修築東西兩岸隄爭輸鶴俸覆香泥小橋官柳青青外誰把桃花補種齊
緒光

元年八旗捐栽楊柳於河岸
儻再間以桃花當更可觀也

新妝結隊過門前爲赴關爺祝壽筵如此英雄眞不朽馨香俎豆二千年
稱俗

關帝爲關爺五月十三
日爲誕期士女多壽之

參差紅燭間沈檀爲賽今年合境安齊赴毓麟宮上壽木犀香裏倚闌干
臨水

夫人廟在雙眼井西日毓麟宮
亦曰于聖母宮閩人尤信祀之

鑼鼓敲開不夜天龍燈高聳馬燈前嬌癡兒女爭相看坐守春宵倦不眠
杭俗

春宵有龍馬燈會必先
入營參各署以領賞稿

節物於今各處殊吾家笑作五侯厨荆州圓子福州餃歲暮春初相向輸
後難
八旗皆調自六州
所以節物各殊

糯粉新和紅綠豆厨娘纖手慣蒸糕品題何藉劉郎筆春餅同煎饋老饕
於俗
春首用紅綠豆
和粉蒸糕相饋

湖上春深興更悠招邀俊侶策華騮詰朝要放桃花血逐隊鬆鞍到處遊
分春
前後當以鍼刺馬頸謂之放桃
花血前一日須出騎謂之鬆鞍

孟蘭古會早秋乘鑼鼓家家各自稱偏說蓮花橋水活順流今夜放荷燈
將軍
橋一名
蓮花橋

風流猶話半閒堂鬧鬪秋開蟋蟀場一幅紅綢新賜采將軍爭識大頭黃
中營

人鬪蟋蟀以博
勝謂之秋興

西去人家斷復連一灣流水繞門前落花枯草調鷹地暖日清風放鴿天

喜俗

調鷹放鴿佳
者隻值數金

五色絲纏鐵嘴巢銜旗啄彈各相教忍饑就範如鷹準細草青絨蚱蜢包

嘴鐵

蠟嘴皆杭產禽名飼以青
蟲教之銜絨能解人意

鞭如掣電馬如龍出獵歸來興不慵爲有雙禽將換酒背駝紅日下南峯

冬秋

之際營人多
出獵湖山

季冬一日最魂記銷得城池一炬焦爲禁滿城停宰殺傷心往事話今朝

酉辛

十二月朔爲髮逆陷城今
屆是日滿城爲禁屠宰

聲名文物合推今精絕詩書畫與琴莫笑管絃聞比戶武城自古有知音

營吾

以詩傳者赫藕香方伯有白華館遺稿外王父乙垣公有鑄廬詩草舅祖文吟香公有亦芳草堂詩稿善兩人寺丞有自芳齋詩稿貴鏡泉觀察有靈石山房詩草以書名者善寺丞之行書固畫臣如伯之楷書杏襄侯姻丈之隸書以畫名者祥瑞亭協戎之馬家大人之山水牡丹喬雲織雲雨夫人之花卉工翠者盛愷庭觀察外舅文濟川公家六叔保子雲公柏研香杏襄侯姻丈皆精絕靈妙遠近言翠者莫不以吾營爲領袖數年以來甚至垂髫兒女盡解操縵亦吾營中一韻事也

留月賓花樂事饒爭攜吟屐井亭橋如逢水繪庵中主尊酒論文一笑澆

榮竹

農部郎冠侍郤護恭公來杭顏其衙齋

曰留月賓花館每逢佳日集吟社焉

誰爲旗營唱竹枝風流傳徧逸園詞吉璉去後難爲和敢比鴛湖百首詩

內兄

守彝齋茂才有杭營竹枝詞八首昔竹垞太史作鴛鴦湖棹歌百首同里譚吉璉和之余則未敢竊比焉

自愧髫年聞見稀況當人往又風微百篇吟就仍無補數典而忘庶免譏

跋

右六橋先生詩詞集也先生系出蒙古而生於西冷橋畔少吞丹篆夢筆生
花雙鳳硯齋納蘭自況六橋天竺吟鞭著盡青出樊山媲美雁門清詞填就
明月投懷麗句拈來繁花做饌毓舒私淑先生有年丙子復相見都門且喜
爲先生僚屬因是朝夕過從請益殊多辛巳先生忽歸道山同人恐先生遺
稿湮失乃將粉雲奩詞付之剞劂並殿以詩留做觀摩藉思典型之意云爾
臨梓復蒙諸先生紛紛題字而校讎一事均出李君德義孫君紹武之手並
深謝之壬午初夏律中仲呂之月蘭河董毓舒謹識



